

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Allaffeqarfimmiit paasissutissiineq
- Imm. 03** 2018-imi apriliip 30-ani Sisimiuni Maniitsumilu Teknikkimut, pilersuineranut sanaartornermullu qaammammut nalunaarusiaq
- Imm. 04** Qatserineranut atortunut aningaasanik nuutsineq
- Imm. 05** Ilinniartitsineranut suliniutit iluani aningaasaliissutinik nuutsineq
- Imm. 06** Missiliuut C, Maniitsumi arsaattarfik ivigaaraasaasoq
- Imm. 07** Kommunit ataatsimoorussaannik imaluunniit kommunip nammineq ikuallaaveqarnerani aningaasaqarnikkut pissutsit pillugit paasissutissiissut
- Imm. 08** Sisimiut talittarfiani torersuutitsinissaq pillugu malittarisassanik kiisalu Sisimiut talittarfianik Qeqqata Kommuniata ingerlatsiinnarsinnaaneranik Namminersorlutik Oqartussat akuersissuteqarnerat pillugu paasissutissiissut
- Imm. 09** Atuisunik aaqqissuussaanagerusumik suleqateqarneq
- Imm. 10** Emilie Olsen-ip apeqquteqaataa malillugu Sisimiuni aqquserngit, angallannermilu isumannaatsuutitsinissamik ukkataqarneq pillugu paasissutissiissut
- Imm. 11** Ungusivimmi nutaamik sanaartorfigissaaneq.
- Imm. 12** Tamalaat

Ataatsimiinneq videokonferenci atorlugu ingerlanneqarpoq aallartillunilu nal. 09.03

Peqataasut:

Siumut

Frederik Olsen – Sisimiut
Karl Lyberth – Maniitsoq Telefonikkut peqataavoq.
Gideon Lyberth – Maniitsoq

Atassut

Inuit Ataqtigii

Nalunaaruteqarlutik peqataannngitsut:
Dorthe Sofie R. Olsen

Nalunaaruteqaratik peqataannngitsut
Emilie Olsen - Sisimiut

Imm. 01 Oqaluuserisassat akuersissutigineri

Akuersissutineqarpoq.

Imm. 02 Allaffeqarfimmiit paasissutissiineq

Hans Ulrik Skifte

Allaffimmi atorfiit ingeniør marlunnik amigaatigineqarput.

Inunnguaq Lundblad vejformand-itut atorfinippoq 1. Maj 2018.

DTU-miik ingeniøritut atuartut marluk august-imiik december-ip tungaanut suliffimmik misiliissapput Teknikkeqarfimmi.

Ole Thor

Atammimmi meeqqerivik aammalu Kommunip allaffia nutaat ilisimatitsissutigivaai atoqqaartinneqassasut.

**Teknikkeqarnermut, Aatsitassarsiornermut Avatangiisinullu ataatsimiititaliap maj-ip 08-ani 2018
ileqquusumik ataatsimiinnerani imaqarniliaq 03/2018**

Imm. 03 2018-imi apriliip 30-ani Sisimiuni Maniitsumilu Teknikkimut, pilersuinermit sanaartornermullu qaammammut nalunaarusiaq.

Journalnr. 06.01.02

Pissutsit atuuttut

Atuineq / isertitat atuiffinnut ataasiakkaanut ukiumut tamarmiusumut agguataarneqanngilaq.

Atuiffik 2 – Teknikkimut tunngasut: Sisimiut - Maniitsoq

TEKNIKKEQARFIK SISIMIUT - MANIITSOQ		Budget	Tillæg	Omplac.	Bevilget	Forbrug	Rest	Forbrug
Kt.	Kontonavn	(1.000 kr)	(1.000 kr)	(1.000 kr)	(1.000 kr)		(1.000 kr)	i %
20	AQQUSERNIT, IKAART.TUMMEQQAT	8.145	0	0	8.145	1.649.198	6.496	20,2
21	SALINEQ APUTAAJAANERLU	8.947	0	0	8.947	2.852.255	6.095	31,9
22	PISUUSSUTIT UUMASSUSILLIT	396	0	0	396	44.765	351	11,3
23	KOMMUNIP INGERLATSIVII ASSIGIINNGITSUT	4.868	0	0	4.868	1.639.420	3.229	33,7
24	KOMMUNIP ILLUUTAANIK	-2.277	0	0	-2.277	-1.073.000	-1.204	47,1
25	QATSERISARTOQARNEQ	8.475	0	0	8.475	2.145.229	6.330	25,3
27	TEKNIKKIKKUT INGERLATAT ALLAT	12.728	0	0	12.728	4.418.002	8.310	34,7
2	TEKNIKKEQARFIK	41.282	0	0	41.282	11.675.868	29.606	28,3

Sisimiuni Maniitsumilu Teknikkimut tunngatillugu tamakkiisumik missingersuutinit 41.282 mio. koruuninit atuineq 28,3 procentimiippoq.

Atuiffik 6 – Pilersuinermit tunngasut: Sisimiut - Maniitsoq

PILERSUIVIIT SISIMIUT - MANIITSOQ		Budget	Tillæg	Omplac.	Bevilget	Forbrug	Rest	Forbrug
Kt.	Kontonavn	(1.000 kr)	(1.000 kr)	(1.000 kr)	(1.000 kr)		(1.000 kr)	i %
66	EQQAAVEQARNEQ	-243	0	0	-243	157.174	-400	-64,7
68	PILERSUINERIT ALLAT	3.987	0	0	3.987	1.561.194	2.426	39,2
6	PILERSUIVIIT	3.744	0	0	3.744	1.718.368	2.026	45,9

Sisimiuni Maniitsumilu pilersuinermit tunngatillugu tamakkiisumik missingersuutaasuniit 3,7 mio. koruuniniit atuineq 45,9 procentiuvoq.

**Teknikkeqarnermut, Aatsitassarsiornermut Avatangiisinullu ataatsimiititaliap maj-ip 08-ani 2018
ileqquusumik ataatsimiinnerani imaqarniliaq 03/2018**

Atuiffik 7 – Sanaartornermut tunngasut: Sisimiut - Maniitsoq

SANAARTORNERMUT TUNNGASUT		Budget	Tillæg	Omplac.	Bevilget	Forbrug	Rest	Forbrug
Kt.	Kontonavn	(1.000 kr)	(1.000 kr)	(1.000 kr)	(1.000 kr)		(1.000 kr)	i %
70	SANAART.TUNNGASUT	26.975	0	0	26.975	8.717.181	18.258	32,3
71	SANAART. ALLAFFEQARFIK	3.728	0	0	3.728	134.368	3.594	3,6
72	SANAART.TUNNGASUT TEKNIKIMUT TUNNG.	39.999	0	-264	39.735	5.121.795	34.613	12,9
73	SANAART.TUNNGASUT	500	0	0	500	125.816	374	
74	SANAART.TUNNGASUT ILAQUTARIINNERMUT	10.000	0	0	10.000	74.918	9.925	0,7
75	SANAART.TUNNGASUT ATUARF.KULTUR	43.300	0	0	43.300	1.877.677	41.422	4,3
76	SANAART.TUNNGASUT PILERS.TUNNGASUT	5.500	0	0	5.500	76.516	5.423	1,4
77	SANAART.TUNNGASUT NUNAGISSAANEQ	8.500	0	264	8.764	130.725	8.633	1,5
7	SANAARTORNERMUT TUNNGASUT	138.502	0	0	138.502	16.258.996	122.243	11,7

Qeqqata tamakkerlugu sanaartornermut tunngatillugu tamakkiisumik missingersuutaasuniit 138.502 mio.

koruuninik atuineq 11,7 procentimiippoq. Naatsorsuineq taanna Sisimiunut Maniitsumullu kiisalu atuiffinnut ataatsimoorussanut 00-mik imaluunniit 90-imik stedkodelinnut atuuppoq.

2017-imit sanaartornermut aningaasaliissutit atunngitsuukkat 88,725 mil. koruunit nuunneqarnikut quleriaani tapit-nut suli aningaasaqarnermut systemimit oqimaaqatigiisitsinermut uunga ilanngunneqanngillat, taamaattumik procentinngorlugu atuineq eqqortumik tikkuussinngilaq.

Atuiffeqarfinni ataasiakkaani agguataagaasuni suliassani illunik nutaarsaanerit ingerlapput.

Atuiffimmi 70-imi illoqarfinni marluusuni innarluutilinnut inissianik 16-inik sanaartorerit ingerlapput, ukiamut atorneqalernissaat naatsorsuutaalluni, aammalu Kangerlussuarimi Illorput pingasut sanaartorneqarlutik. Inissianik ataatsimoorussani sumi sanaartornissaat aammalu sanaartortitsisup siunnersuutaa suli paasineqaratik.

Atuiffik 71-imi ERP-systemimut tunngasoq qarasaasialeriffimmiippoq.

Atuiffik 72-imi Sisimiuni asfaltiorfik nutaanngitsoq piiarneqarpoq, aasamullu tunniunneqartussanngorlugu nutaaq

Danmarkimi sanaartorneqarpoq. Maniitsumi asfaltiorfimmu aqutsissut nutaaq inniminneerineqareerpoq,

maajimilu ikkussuunneqassalluni. Illoqarfinni marluusuni kuuffissuarnik nutaanik nutarsaanerit

suliariumannittussarsiuussinerillu ingerlapput. Maniitsumi ikaartarfimmik nutarsaanissamut apriliip 30-ani

suliariumannittussarsiuussisoqassaaq. Sisimiuni iliveqarfissaq nutaaq pilersarusiorneqarpoq. Alanngorsuarmut

aqqusinermut avatangiisitigut suliarineqarnera utaqqineqarpoq, suliaq pilersarusiornermut pisortamiippoq.

Atuiffik 74-imi puigortunngortunut immikkoortunut sulianut, sanaartortitsisup siunnersuutissaanik

suliaqarsinnaanissamut ilaqutariinnermut immikkoortortamit annertussusissaanut pilersaarummik

suliaqartoqarnissaa utaqqineqarpoq.

Atuiffik 75-imi kulturikkut illorsuup allilerneqarnissaa aammalu Akiani meeqqerivissaq pilersarusiorneqarput.

Atorfik inuttaqanngitsoq patsisaalluni, Sarfannguani timersortarfimmu tamatigoortumut suliamut

sulisussaqaarsimanngilaq. Silami sunngiffimmi sammisanut suliaq Sunngiffimmi immikkoortortamiippoq.

Arsaattarfiit ivigaaraasut Sisimiuni ukiuunerani uninngagallarpoq, Maniitsumi arsaattarfik ivigaaraasooq

pilersarusiorneqarpoq.

Atuiffik 76-imi Sisimiuni kiassarnermut aqutinik annertusaaneq Nukissiorfikkoorluni ingerlanneqarpoq.

Atuiffimmut 77-imut inuussutissarsiorfik B8.2 sanaartorfigissarneqarnissaa entreprenørinut

suliariumannittussarsiuunneqarpoq, aammalu immikkoortoq C 15-imut pilersarusiorneqarnissaaq siunnersortinut

suliariumannittussarsiuunneqarluni. Akiani najugaqarfissiaq A30 sanaartorfigissarnissaanut portussutsip

killilerneqarnissaa eqqarsaatigalugu Trafikstyrelsen-imit immikkut akuerineqarnissamut sanaartortitsisup

siunnersuutaata amigaatigineqarpoq. Maniitsumi Ungusivimmi najugaqarfissiamik sanaartorfigissaanissaaq

pilersarusiorneqarpoq.

Innersuussut

Teknikkimut Avatangiisinullu immikkoortortap Teknikkeqarnermut, Aatsitassarsiornermut Avatangiisinullu ataatsimiititaliamut innersuussutigaa, Sisimiunut Maniitsumullu Teknikkimut, Pilersuinermit Sanaartornermullu nalunaarusiaq 2018-imi apriliip 30-aneersoq tusaatissatut tiguneqassasoq.

Aalajangiineq

Paasissutissatut tiguneqarpoq.

Ilanngussaq

2018-imi apriliip 30-ani oqimaaqatigiisitsineq.

Imm.04 Qatserinermut atortunut aningaasanik nuutsineq

Journal nr. 06.01

Tunuliaqutaq

2017-imi missingersuutit pillugit isumasioqatigiinnermut atatillugu nunaqarfinni atortunut 2 mio. koruuninik aningaasaliiffigineqarpugut. Nunaqarfinnut tallimaasunut: Sarfannguit, Itilleq, Kangaamiut, Napasoq aamma Atammimmut agguataagassanngorlugit 1 mio. koruunit pilersaarutaaqqaarpoq. Sisimiuni Maniitsumilu qatserisartuni indsatslederip biilnik marlunnik pisinissamut 1 mio. koruunit, tamarmik ataaseq.

Aningaasat akuersissutaasut atuiffimmi 72-37-00-50-61 nunaqarfinni qatserinermut atortuni inissisimapput.

Taamaattumik aningaasaliissutaasut atuiffivinnut agguataarneqassapput.

Maleruagassatigut tungavissat

Qeqqata Kommuniata karseqarnermut naatsorsuuserinermullu malittarisassai 2010-meersut.

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaata allannguuteqartinneqarnissaanik Inatsisartut inatsisissaannut nr. 14, 3. december 2012-imeersoq.

Qeqqata Kommuniani upalungaarsimaniarnermut tungasunut Teknikkeqarnermut, Aatsitassanut Avatangiisinullu ataatsimiititaliaq akisussaasuvoq.

Qeqqata Kommuniani atuiffik 25-imi missingersuutitigut nuutsinerit Ataatsimiititaliap akuersissutigisussaavai.

Pissutsit atuuttut

1. Ullumikkut piumasagaataasunut naammassinnittumik nunaqarfinni qatserinermut atortuik pisariaqartitsisoqarpoq. Upalungaarsimasuniit pisisoqassasoq pilersaarutaavoq. Nunaqarfiit tallimaasut akornanni assigiimmik 1 mio. koruunit agguataarneqassaput, taamaalillutik nunaqarfiit tamarmik immikkut 200.000 koruuninik tunineqassallutik.

2. Sisimiuni qatserisartuni indsatslederip biilianik pisinissamut Maniitsumilu lastilimmik pisinissamut Sisimiut Maniitsullu akornanni 1 mio. koruunit agguataarneqarput. Sisimiuni indsatslederi immikkut biileqarnissamik pisariaqartitsivoq, tamatumani indsatslederi usut paarlakaattarmata aammalu annertuumik pisoqarnissaanut qatserisartut ittuat tamatigut piareersimasuusarluni. Maniitsumi indsatslederip biilia motorimik nutaamik nutarsarneqarnikuuvoq, aammalu naak immikkut indsatslederimut pisariaqartitsisoqaraluartoq, indsatslederip aamma atortunut biilitut atorsinnaasumik lastilimmik pisariaqartitsisoqarluni.

Atuilluartuunissakkut kingunerisinnaasai

Soqanngilaq.

**Teknikkeqarnermut, Aatsitassarsiornermut Avatangiisinullu ataatsimiititaliap maj-ip 08-ani 2018
ileqquusumik ataatsimiinnerani imaqarniliaq 03/2018**

Aningaasaqarnikkut allaffissornikkullu kingunerisinnaasai
Tullinnguuttutigit nuutsisoqassasoq siunnersuutigineqarpoq

Atuiffiup normua	Atuiffiup taaguutaa	Aningaa.	Tapit	Aningaasaliissut nutaaq
72-37-00-50-61	Nunaqarfinni qatserinermut atortut	2.000.000,00	-2.000.000,00	0,00
25-01-40-20-99	Pissarsinerit allat	5.000,00	200.000,00	205.000,00
25-01-50-20-99	Pissarsinerit allat	5.000,00	200.000,00	205.000,00
25-01-60-20-00	Atortussanik pequtinillu pisineq	10.000,00	200.000,00	210.000,00
25-01-70-20-00	Atortussanik pequtinillu pisineq	0	200.000,00	200.000,00
25-01-80-20-00	Atortussanik pequtinillu pisineq	10.000,00	200.000,00	210.000,00
25-01-10-22-00	Qatserutit nutaat	0	500.000,00	500.000,00
25-01-20-20-01	Qatserinermi atortut	196.000,00	500.000,00	696.000,00
	Katillugit	2.226.000	0,0	2.226.000

Allaffeqarfiup naliliinera

Teknikkeqarnermut, Aatsitassanut Avatangiisinullu ataatsimiititaliamit akuereqqullugu allaffeqarfiup innersuussutigivaa,

Eqitsimmut qulaaniittumut naapertuuttumik ilinniartitaanermit suliniutinut aningaasaliissutaasut atugassanngortinneqassasut

Innersuussut

Teknikkeqarnermut, Aatsitassanut Avatangiisinullu ataatsimiititaliamit akuereqqullugu allaffeqarfiup innersuussutigivaa,

Eqitsimmut qulaaniittumut naapertuuttumik ilinniartitaanermit suliniutinut aningaasaliissutaasut atugassanngortinneqassasut

Aalajangiineq

Akuersissutigineqarpoq.

Ilanngussaq

Imm. 05 Ilinniartitsinermit suliniutit iluani aningaasaliissutinik nuutsineq

Journal nr. XX.XX.XX

Tunuliaqutaq

Missingersuusiornissaq pillugu 2017-imi isumasioqatigiinnermut atatillugu, ukiuni missiliuteqarfiusunut 2018 - 2019-2020 aamma 2021-mut Qeqqata Kommuniani upalungaarsimaneq pillugu ilinniartitsinissamut 1,5 mio. koruuninik ingerlatsinermit aningaasaliisoqarpoq.

Aningaasaliissutigineqartut atuiffik 25-01-00-05-00 Sulisunut aningaasartuutit iluaniipput. Upalungaarsimaneq pillugu ilinniartitsineq.

Taamaattumik ukiuni missiliuteqarfiusuni atuuttussanngorlugit, ilinniartitsinissamik pisariaqartitsisunut kiisalu ilinniartitsinissami sumiiffiit aallaavigalugit, atuiffinnut attuumassuteqartunut aningaasaliissutit agguanneqassapput.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat 2010-meersut

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermit iliuusissat pillugit Inatsisartut inatsisaat nr. 14, 26. maj 2010-meersoq

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermit iliuusissat pillugit Inatsisartut inatsisaata allannguuteqartinneqarnissaanik Inatsisartut inatsisissaannut nr. 14, 3. december 2012-imeersoq.

Nalinginnaasumik qatseriartortarnerit sulisullu amerlassusilerneqarnerat pillugit kaajallaasitaq nr. 1 apriliip ulluisa 1-ianni 1994-imeersoq

Qatserisartoqarfinni sulisut ilinniartitaanerit pillugu Namminersorerullutik Oqartussat nalunaarut nr. 33, 6. september 2001-imeersoq.

Teknikkeqarnermut Aatsitassarsiornermut Avatangiisinullu ataatsimiititaliaq Qeqqata Kommuniani upalungaarsimanermit immikkoortumut akisussaasuvoq.

Qeqqata kommuniani atuiffik 25-mi missingersuutitigut nuussinernik ataatsimiititaliaq akuersisuusaaq.

Pissutsit atuuttut

Qeqqata Kommuniani qatserutaasivinni sulisunik ilinniartitsinissaq pillugu, Qeqqata Kommuniani Annaassiniartarnermit upalungaarsimasut piunasaqaatinik naammassinnissinnaannginneri tunngavigalugu, Upalungaarsimanermit ilinniartitsinissamut aningaasaliissutit tunniunneqarput. Tamatuma saniatigut Kalaallit Nunaanni Qatserisartut Ilinniarfiat, Kalaallit Nunaanni qatserisartunut 900-sunut ilinniartitsinissaminut annertuumik killilinnik aningaasaatilik kisiat naatsorsuutigiinnassanngilarput.

Ilinniartitaanikkut kinguleruteqqaneq aningaasaliissutinik agguassinermit patsisaavoq, tassani nunaqarfinni tamangajalluinnarni Maniitsumilu naqqaniit ilinniartitsinerit ingerlanneqassallutik, Maniitsumi Sisimiunilu sumiiffinni tunngaviumik ilinniartitsisoqassalluni.

Tamatuma saniatigut Sisimiuni sumiiffinni Ikuallattoqartillugu suliassanut ilinniartitaanermik siunissami ingerlatsisarnissaq naatsorsuutigaarput.

**Teknikkeqarnermut, Aatsitassarsiornermut Avatangiisinullu ataatsimiititaliap maj-ip 08-ani 2018
ileqquusumik ataatsimiinnerani imaqarniliaq 03/2018**

Matumani patsisaavoq, Upalungaarsimanermit Aqutsisoqarfimmit ilinniartinnut piumasaqaateqarnera kiisalu pikkorissaanermi aqutsisutut ilitersuisutullu piumasaqaateqarmat.

Ilitersuisunik pikkorissaanernillu aqutsisunik nammineq peqalissagutta, ilinniartitsinissamut pisariaqartitsinermit ilitersuisussanik ilinniartitsinissaq ilannguttariaqparput.

Atuilluartuunissakkut kingunerisinnaasai

Sumiiffinni ilitersuisunik assigiinngitsunik qaffasissusilinnik ilinniartitsinikkut, Qeqqata Kommuniani Annaassiniartarnermi upalungaarsimasut arlalinnik ilinniartitsinissapput, kingusinnerusukkullu Kalaallit Nunaanni Qatserisartut Ilinniartitsinissut arlalinnik tiguisinnaalissallutik, matumani Ikuallattoqartillugu suliasanut kiisalu Holdleder-itut ilinniartitsinerit qaffasinnerusut tiguisinnaalissallugit.

Aningaasaqarnikkut allaffissornikkullu kingunerisinnaasai

Tullinnguuttutigut nuutsinissaq siunnersuutigineqarpoq

Atuiffiup normua	Atuiffiup taaguutaa	Aningaa.	tapit	Aningaasaliissut nutaaq
25-01-00-05-00	Upalungaarsimanermit ilinniartitsinermit sulisunut aningaasartuutit	1.500.000	-1.500.000	0
25-01-10-05-04	Pikkorissaanermi aningaasartuutit/akiliutit – Sisimiut	200.000	750.000	950.000
25-01-20-05-00	Sulisunut aningaasartuutit - Maniitsoq	77.000	350.000	427.000
25-01-40-05-99	Sulisunut aningaasartuutit assigiinngitsut - Sarfannugit	1.000	70.000	71.000
25-01-50-05-99	Sulisunut aningaasartuutit assigiinngitsut – Itilleq	1.000	70.000	71.000
25-01-60-05-00	Sulisunut aningaasartuutit – Kangaamiut	15.000	120.000	135.000
25-01-70-05-00	Sulisunut aningaasartuutit – Napasok	10.000	70.000	80.000
25-01-80-05-00	Sulisunut aningaasartuutit – Atammik	12.000	70.000	82.000
	Katillugit	1.816.000	0	1.816.000

Allaffeqarfiup naliliinera

Allaffeqarfik naliliivoq, upalungaarsimanermit ilinniartitsinerup agguataarneqarnissaanut siunnersuut naapertuuttusoq pisariaqartorlu.

Innersuussut

Allaffeqarfimmit innersuussutigineqarpoq, Teknikkeqarnermut, Aatsitassarsiornermut Avatangiisinullu ataatsimiititaliamit akuersissutigineqassasoq,

siuliani eqitsit naapertorlugu ilinniartitsinermit aningaasaliissutit siunertanut atugassanngortinneqassasut

Aalajangiineq

Akuersissutigineqarpoq.

Ilanngussaq

Imm. 06 Missiliuut C, Maniitsumi arsaattarfik ivigaaraasaasoq.

Journalnr. 06.02.01

Tunuliaqutaq

Maniitsumi arsaattarfimmik ivigaaraasumik inissiffiusinnaasunut assigiinngitsunut pingasunut missiliummik C-mik suliaqartoqarnikuvoq.

Maleruagassatigut tunngavissat

GBU unammersuarnermi malittarisassat.

Arsaattarfiit angissusissaannut tunngatillugu, kommunimi malittarisassaqaqngilaq.

Pissutsit atuuttut

2017-imi novembarip 23-ani kommunalbestyrelsi ataatsimiinnermini aalajangiivoq, Maniitsumi FIFA angissusiligaatut angissusilimmik arsaattarfimmik ivigaaraasumik pilersitsoqassasoq. Qaqqap suatungaaniit qaartiterisoqaruni pitsaanerussanersoq pillugu misissuisoqassasoq kommunalbestyrelsip kissaatiginikuuvaa.

Qaartitigassat annertussusaat annikinnerpaat, aammalu taamaalilluni arsaattarfik akikinnerpaaq, arsaattarfiup avannaatungaani kujataatungaani qaartiterinikkut (Masantimit allakkiami option 5) anguneqarsinnaasoq Masanti annertussutsinik naatsorsuina tunngavigalugu inernilunneqarnikuvoq. Taassuma aamma pitsaaqutigivaa, qaartitikkat pukinnerpaamik innaqalersitsissagamik.

Aammattaq arsaattarfimmit qaartiternerlukut inissiiinissanut assigiinngitsunut marlunnet missiliuutinik naatsorsuisoqarnikuvoq. Periarfissat apparivaat, mittarfiup alannguani inuussutissarsiorfissamut immiissutitut qaartiternerlukut atorneqarsinnaanerit. Periarfissat apparivaat, tatsiap matunissaa siunertaralugu, qeqertaq Akunnequt sapusernissaanut qaartiternerlukut atorneqarsinnaanerit, puttasunik nutaanik inissiiiviusinnaanngorlugu. Taamaattoorli annertussutsinik naatsorsuinerit takutippaat, Akunnequtit angunissaannut qaartiternerlukut naammannaviannngitsut.

Qaartiternerlukunik inissiiinissamut missiliuutinik marlunnik suliaqartoqarnikuvoq, aappaa ujaqqanik ajornaatsunnguamik nioraanissaq, aappaa silaannarmik naqitsinertuumik atuilluni aqutamik ilaliinikkut. Qaartiternerlukut Akunnequtinut sapusiamut atorneqassappata, sapusiamik aalajaatsumik pissarsiniarluni aqutamik ilassutissaq pisariaqassaaq.

Atuilluartuunissakkut kingunerisinnaasai

Aningaasaqarnikkut allaffissornikkullu kingunerisinnaasai

Aaqiissutissanut assiginngitsunut pilersarusiorneq ilanngullugu missiliuutit C ima isikkoqarput:

Maniitsumi arsaattarfik ivigaarasoq, missiliuut C	Option 1	Option 3	Option 5
	avannaatungaaniq kitaatungaaniq annertusaaneq	kujataatungaaniq kangiatungaaniq annertusaaneq	avannaatungaaniq, kujataatungaaniq, kangiatungaaniq annertusaaneq
Ajornanngitsumik nioraaneq, inuussutissarsiuuteqarfik	13.260.000	15.450.000	13.060.000
Aqutamik ilasineq, inuussutissarsiuuteqarfik	14.960.000	17.650.000	14.660.000
Ajornanngitsumik nioraaneq, umiarsualiveqarfik	15.160.000	18.250.000	14.760.000
Aqutamik ilasineq, umiarsualiveqarfik	19.560.000	23.650.000	19.060.000

Maniitsumi ivigaaraasumik arsaattarfiliornissamut sanaartornermi missingersuutini 13,1 mio. koruunit immikkoortitaapput. Suliariumannittussarsiuussereernerup kingorna missiliuut C qaangerneqanngippat, option 5-imi (avannaatungaani aamma kujataatungaani qaartiterilluni) arsaattarfik inissinnissaa aammalu inuussutissarsiorfimmi qartiternerlukunik ajornanngitsumik nioraanikkut missingersuutit iluanni suliarineqarsinnaavoq.

Akunnequtini sapsusiassamut qaartiternerlukut atorneqarnissaat kissaatigineqarpat, taava 6 mio. koruuninik immikkut aningaasaliisoqarnissaanut pisariaqartitsisoqassaaq.

Qullersaqarfiup oqaaseqaatai

Oqaaseqaatissaqanngilaq.

Allaffeqarfiup naliliinera

Option 5 arsaattarfip avannaatungaani kujataatungaani qaartiterinissaq pitsaanerpaatut nalilerneqarpoq. Inissiivik akikinnerpaassaaq, pukkinerpaamik innaqassaaq, aammalu arsaattarfip isuata aappaani pinnguarterfiup aamma illuatungaani biilnut inissiissarfiup akornanni pitsaanerpaamik naapeqatigiitsitsissaaq.

Innersuussut

Teknikkimut Avatangiisinullu ataatsimiititaliamut innersuussutigineqarpoq, avannaatungaanut kujataatungaannullu qaartiterinikkut aammalu inuussutissarsiorfimmi qaartiternerlukunik ajornanngitsumik nioraanermik Masanti allakkiaani option 5 malillugu arsaattarfik inissinneqassasoq.

Aalajangiineq

Ataatsimiititaliap innersuussut itigartippaa.

Aningaasaqarnermut ataatsimiisitaliamut aammalu Kommunalbestyrelse-mut aaliangigassanngorlugu ingerlateqqinneqarpoq ajornanngitsumik niooraaneq option 5-mimi 14.760 mio.kr. akuereqqullugu.

Ilanngussaq

1. Masanti – Arsaattarfimmik ivigaaraasumik inissiinissaq pillugu allakkiaq
2. Nunap assinga, Akunnequt

**Imm. 07 Kommunit ataatsimoorussaannik imaluunniit kommunip nammineq
ikuallaaveqarnerani aningaasaqarnikkut pissutsit pillugit paasissutissiissut**

Journalnr.

Tunuliaqutaq

Paasissutissiissut una Kommunip nammineq inoqarfiini aammalu Kalaallit Nunanni kommuninit allanit eqqakkanik peqarluni Qeqqata Kommuniani kommunip nammineq ikuallaaviutaanik minnerusumik imaluunniit kommunit ataatsimoorussaannik ikuallaavimmik anginerusumik, ikuallaavimmik nutaamik pilersitsisinnaanermi sanaartornermut ingerlatsinermullu aningasartuutissatut naatsorsuutigisanut tunngassuteqarpoq. Paasissutissiissut aammattaq Nuummi 2018-imi apriliip naalernerani Namminersorlutik Oqartussat ataanni "Avatangiisitigut ullut"-ni kommunit tamarmiusut teknikkikkut ingerlatsiviisa akornanni ataatsimiissimanermik tunngavoq, tassani ikuallaavimmik aningaasaliissuteqarnissamik pisariaqartitsineq aammalu nuna tamakkerlugu aaqqiissutaasinnaasut eqqartorneqarlutik.

Sumiiffikkaartumik nunalu tamakkerlugu politikikkut isummernissap pisariaqarnera pissutaalluni, kommunimi soorluttaaq nuna tamakkerlugu eqqagassanik ajornartorsiutaasunut aaqqiissutissatut periarfissanik assigiinngitsunik marlunnik allaffeqarfik suliaqarnikuuvoq. Nuuk minillugu nuna tamakkerlugu eqqakkanik annertuumik ajornartorsiuteqartoqarpoq, maanna ikuallaaviusut nutaanngilinikuullutik aammalu inoqarfinniit tamanit eqqakkanut inissaqartitsinatik. Anguniagaasoq tassaavoq, aaqqiissutissani marluusuni sanaartornermi aningaasartuutissat aamma ingerlatsinikkut aningaasaqarnermut tunngasut paasineqarnissaat, taamaalilluni missingersuutinik suliaqarnissamat atatillugu ikuallaavimmik kommunip pigisaanik kommunilluunniit ataatsimoorussamik pigisaannut sanaartornermi aningaasaliissutissat annertussusaat pisariaqartut aqunneqarsinnaaniassammata, aammalu kommunit akimorlugit sanaartornermi aningaasalersuinissamik suliaqarnissaq, ilisimasat maannakkut pigeriikkat tungavigalugit sapinngisamik pisinnaaniassamat.

Suliaq pillugu allaffeqarfik nalunaarusiamik suliaqarnikuuvoq, taamaalilluni sanaartornermi aningaasaliinissat pisariaqartut aamma ingerlatsinermi aningaasassatut naatsorsuutigisanut tunngatillugu, Qeqqata Kommunian 2019-imut ukiunullu aggersunut missingersuutinik suliaqartinnagu paasineqarsinnaaniassammata. Aaqqiissutissanut sukumiinerusumik atuarnissamat paasissutissiissummut uunga ilaasumut, nalunaarusiamut ilanngussartaanullu innersuussisoqarpoq, uani paasissutissiissummi nalunaarusiap ilaminiinnanngua taaneqarpoq.

Una nalunaarusiaq Qeqqata Kommunian eqqagassalerinermut pilersaarutaanut ilassutitut suliaavoq, kommunillu nammineq pisariaqartitsineranik aammalu Kalaallit Nunaanni eqqagassanik ajornartorsiuteqarnermik, ingammik Avataannaata Kommuniani, Kommune Qeqertalimmi kiisalu Kommune Kujallermi aaqqiissuteqarnissamat kommunit ataatsimoorullugu, ikuallaavimmik aningaasalersuinissaq pillugu periarfissanik toqqaanissap assigiinngissutsimullu nassuiaataalluni. Kommuneqarfik Sermersooq ullumikkut tulluartumik ikuallaaveqarpoq, nunali tamakkerlugu ikuallaavimmik aamma Kommuneqarfik Sermersuup akornanni sunniutaasinnaasut nalunaarusiami ilanngunneqarputtaaq.

Qeqqata Kommunian eqqagassalerinermut pilersaarutaa 2017-ip naalernerani politikikkut akuersissutigineqarpoq, eqqagassalerinermut pilersaarummilu Sisimiuni ikuallaavimmik nutaamik sanaartornissamat nappassisuuvoq. Ikuallaaviup matuma minnerpaamik kommunimi eqqagassat tamaasa tigusinnaassavai, aammalu illoqarfimmi kissamik sullitat pilersorsinnaajumallugit ajornanngippat kommuninit allanit eqqagassat tigusinnaassallugit.

Tamanna tunngavigalugu eqqagassalerinermut pilersaarut ataatsimut isigalugu ikuallaavimmut nutaamut suliniutip allaaserineqarneranik kapitalimik ilivitsumik imaqarpoq, eqqagassaqarnermik, peqqissutsimik aamma avatangiisitigut ajornartorsiutaasinnaasut saniatigut, suliniummi aningaasaqarnikkut piviusunngortitsinnaaneq, ikuallaavimmiit kissamik pilersuineq pillugu Nukissiorfinnik suleqatigiinnissamik tuniniaanermillu isumaqatigiissummik aallaavilimmik aaqqiissutissanik imaqarluni. Suliamik allaaserininneq taanna Sisimiuni kiassarnermut aqcutit pillugit paasissutissat killileqarnikuusut malillugit suliaavoq, sumiiffimmilu ingerlatsinermut

aningaasaqarnermi pissutsit piusut siunissamilu pissusissani ingerlatsinikkut aningaasaqarnermik eqqarsaateqarnermik imaqarluni.

Eqqagassalerinermit pilersaarutip akuersissutigineqarnerata kingorna, Nukissiorfiit kiassarnermut aqputaannik ingerlatsinermit paasissutissat malillugit (2018-ip aallartinnerani Nukissiorfinnit tunniunneqartut), Nunatta Naatsorsueqqissaartarfianit tunisat annertussusaannik naatsorsuinerit, Babcock & Wicox Vølund 2015-imi nalunaarusiaa ikuallaavimmum nutaamut siunnersuutitalik malitsigisaanillu attaveqatigiinnermik imalik, kiisalu Danmark-imi kissamik tunisaqarnermi ikuallaavinnit sanillersuunneqarsinnaasunut pissutsinik nalilersuinerit pilersaarutinik aningaasalersuinermit nalilersuinerit ingerlateqqinneqarnikuupput.

Nalunaarusiaq una minnerunngitsumik kommunit sinnerinik kiisalu nukissamik pilersuinerup iluani nuna tamakkerlugu soqutigisaqatigiinnik eqqarsaateqarnermik imaqarpoq. Tamanna tunngavigalugu ingerlatsinikkut aningaasaqarnermik nalilersuinermi najugaqarfanni eqqagassanik suliaqarnermi missingersuutit ilanngunneqarnikuunngillat. Pissutsit tamakku kommunini assigiinngitsunik amerlassusilinnik innuttalinni eqqagassanut akigitat, sumiiffimmi pissutsit il.il. assigiinngitsuupput, taamaattumillu ikuallaavimmik kommunit ataatsimoorussaannut nutaami aningaasaliinissamik inissiinissamut tunngatillugu sanilliussermik tunngavittut atornerqarsinnaanatik. Soorlu Namminersorlutik Oqartussat eqqagassalerinermit pilersaarutaanni siunnersuutaasoq, kommunit tamarmik eqqagassanik assartuinermik aaqiissuteqassasut siunnersuutigineqarpoq, tamatumani inoqarfiit tamarmik eqqagassaataat ikuallassinnaasut ikuallaavinnut tulluurtunut assartorneqartassallutik. Tamanna tunngavigalugu nalunaarusiami matumani naatsorsuutaavoq, kommunit tamarmik assartuinermit eqqagassanik missingersuuteqarnissaat, tamatumani eqqagassat sinerissami suminnaanniilluunniit assartuinermit aningaasartuutaat apeqputaassanani.

Nukissamik pilersuineq pillugu nuna tamakkerlugu soqutigisat eqqarsaatigalugit, erngup nukinganit aamma nukissamik pilersuiffiit sinneriniit nunami aningaasaliinissamik pilersaarusiornissaq Nukissiorfiit akisussaaffigivaat. Tamanna tunngavigalugu nuna tamakkerlugu soqutigisat eqqarsaatigalugit pilersaarusiornermi ilanngunneqarnissaat, teknikkeqarnermut avatangiisinullu immikkoortortamut pingaaruteqarsimavoq. Kalaallit Nunaanni illoqarfiit ilanni innaallagissamut- aamma kissamik pilersuinermit erngup nukinga atorlugu nukissiorfinniit pioreersuniit ima tunniussisinnaatigipput, avataanit nukissamik allamik pisariaqartitsinatik. Siunissaq eqqarsaatigalugu ilaatigut Maniitsumi Kalaallit Nunannilu illoqarfanni allani erngup nukinga atorlugu periarfissanik Nukissiorfiit aamma eqqarsaateqarput, nalunaarusiami matumani aamma eqqarsaatigineqartunik. Taamaalluni kissamik pilersuinnissamut ikuallaavimmik pilersitsinissamik Qeqqata Kommuniata pilersaarutaa aamma Kalaallit Nunanni nukissamik pilersuinnissaq pillugu pilersaarutit akornanni akerleriittoqanngilaq.

Nalunaarusiami pingaarnertut siunertaasoq tassaavoq, Qeqqata Kommuniani aamma nuna tamakkerlugu kommunip aamma nuna tamaat eqqarsaatigalugu eqqagassaqarnikkut ajornartorsiutaanik aaqiinnissami iluaqutaanerpaamik aningaasaqarnikkut aningaasalersuinissap takutinneqarnissaa. Nalunaarusiap aamma nuna tamakkerlugu suleqatigiinnissami soqutiginnittoqassanngippat, Qeqqata Kommuniata eqqagassalerinermit pilersaarutaani pisarialimmik aningaasalersuinissaq takussutissiivoq.

Maleruagassatigut tunngavissat

Atuiffik 6-imut, matumani ikuallaavimmum ingerlatsinermit tunngasunut kommuni akisussaavoq.

Kiassaateqarfinnik ingerlatsinermit aserfallatsaaliinermullu - kiisalu kiammik pilersuinermit Nukissiorfiit akisussaapput.

- Kommuni pigisani nammeneq aserfallatsaalisussaavai.

Kissamik innaallagiarlu atorlugu kissaq pillugu Nukissiorfiit tunniussinissamut piumasaqataat.

- Nukissamik pilersuineq pillugu Inatsisartut peqqussutaat nr. 14, 6. november 1997-imeersoq.

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq.

Pissutsit atuuttut

Qeqqata Kommuniani ikuallaavini piusuni pissutsit atuuttut eqqagassalerinermit pilersaarummit paasissutissiissutigineqareernikuupput, aammalu Kommuneqarfik Sermersooq minillugu kommunit sinnerinit allaaneruvallaaratik. Kingullertut taaneqartoq nammeneq eqqagassalerisarnernimut piffissap ingerlanerani

annertuunik aningaasaliisarnikuvoq, tamannalumi ullumikkut takuneqarsinnaavoq. Taamaattorli nalunaarusiami nassuiarneqarpoq, eqqakkanik nassiussuisarnikkut Kommuneqarfik Sermersooq-mi ikuallaaviup pisinnaasa siunissamut qulakkeerneqarsinnaasoq, taamaalilluni ukiuni tulliuuttuni amerlasuuni sanaatornermut aningaasaliissuteqarnissamut pisariaqartitsinermik malitseqassanani, Qeqqata Kommuniata nuna tamakkerlugu ikuallaaveqalertuuppat, aammalu Qeqqata Kommuniata ikuallaaviata nutaap kiassarnermut aqqutinik ukiuunerani tamakkiisumik pilersuinissaq siunertaralugu, Kommuneqarfik Sermersooq-mit eqqakkat iluaqutigisinnaagai.

Pissutsit atuuttut nassuiarpaat, nalunaarusiap aammalu Qeqqata Kommuniata eqqagassalerinermut pilersaarutaata, taanna politikikkut akuersissutaareemat, akornanni imminut attuumassuseq, taamaalillunilu kommunimi eqqagassanik suliaqartarnermut atatillugu siunissami suliassanut aallaavimmik pilersitsilluni.

2017-ip naalernerani Qeqqata Kommuniata eqqagassalerinermut pilersaarut akuersissutiginiuuuaa, taassuma periusaanut tunngatillugu, qaninnerusumut ungasinnerusumullu anguniagartai suliarineqarnikuullutik.:

- Inuiaqatigiit peqqissusaat.
- Avatangiisinik illersuineq
- Akisussaaneq aningaasaqarnikkullu akilersinnaassuseq
- Angerlarsimaffinnit eqqakkanik, ikuallaavinnut peqqinnissamut avatangiisinullu ajoqutaanngitsumik assartuineq

Taamaalilluni siunertaasoq tassaavoq, inoqarfinni tamani inuiaqatigiit peqqissusaat aammalu sapinngisamik avatangiisinik illersuineq, eqqagassanik katersinikkut aammalu ikuallaavimmik sanaartornikkut ingerlatsinikkut aningaasaqarnikkut anguniakkanik periarfissiisumik piviusunngortillugu.

Eqqakkanik nassiussuisarnermut tunngatillugu, nalunaarusiami Paamiuniit Nuummuk eqqakkanik nassiussuisarnermi Kommuneqarfik Sermersooq-mi tigussaasut aamma ingerlatsinermi aningaasaqarnermi misilittakkat aallaavigineqarput, sinerissamilu illoqarfiit sinneriniit eqqakkanik nassiussuisarnermut aningaasartuutissatut naatsorsuutigisanut eqqortutut tikkuussisinnaasutut isigineqarsinnaasut.

Ukioq manna Namminersorlutik Oqartussat "eqqakkanik assartuisarneq"-mut tunngatillugu pilersaarutit misiligummik 2017-2019-imut atuuttussamik aallarnisaavoq. Qeqqata Kommunia peqataavoq, matumani Sarfannugit Kangaamiullu suliniummut toqqarneqartuullutik. Eqqakkat tamaasa illoqarfimmuk avatangiisinut ajoqutaanngitsumik suliareqqinneqarnissaat siunertaavoq. Misiligummik suliniummut atatillugu nunaqarfinni eqqakkani ingerlatsinermi aningaasaqarnermi misilittakkanik tigussaasunik aamma kisitsisitigut misilikkannik tatiginartunik takkuttoqarumaarpoq. Taassuma tungaanut nalunaarummi missiliuutit atorneqarput.

Sisimiuni kommunit ataatsimoorussaannik ikuallaavimmik sanaartortoqassappat, nunami kommunit sinnerinit eqqakkat qanoq ililluni qanorlu sunnuteqarsinnaanerani nalunaarusiami annertulaartumik ukkatarineqarpoq. Nalunaarusiami inerniliunneqarpoq, eqqakkanik nassiussuisarnermut systemi Avannaani ukiup sikuani Kujataanilu sikorsuarnit sunnersinnaasoq, taamaalilluni eqqakkat sumiiffimmi uninngatinneqartassallutik sikuuneratalu nalaani nassiutassanngorlugit piareersarneqartassasut. Avannaani sikuunerpiaata kingunerissavaa, eqqakkat annertuut annertunerusumik upernaamiit ukiarneranut nassiunneqartarnissaat, taamaalillunilu ukioq kaajallallugu eqqakkanik nassiussisarnermiit pisinnaasamik pisariaqartitamiit, ikuallaavik nutaamut pisinnaasakkut annertunerusumik pisariaqartitsinermik malitseqassalluni. Pisinnaasap annertunerusup qulakkiissavaa, tikiffissaani eqqakkat katersuutiinnarnissaasa sapinngisamik killilersimaarnissaa. Taamaattumik ingammik Avannaanit eqqakkat kiassarnermut aqqutinut tunisinermut annertuumik killilersuissapput, aasaanerani tunisinissamut pisariaqartitsineq annikinnerpaasarmat. Ukiukkut eqqakkanit kissamik pisariaqartitsinerpaaffimmi, Kommune Kujallermit aamma Kommuneqarfik Sermersuumiit eqqakkat annertunerusumik atorfissaqartinneqassapput. Allatut oqaatigalugu, annertunerusumik Kitaani nassaassanngitsut, nunap immikkoortuisa ilaanni unammillernartitat nuna tamaat isigalugu isummerfigineqassanersut.

Nuna tamakkerlugu nukissamik pilersuineq eqqarsaatigalugu pingaaruteqarluinnarpoq, kommunit ataatsimoorussaannik ikuallaaviusinnaasumik inissiinissaq Namminersorlutik Oqartussat nukissiornermut aamma imermik pilersuinermit nuna tamakkerlugu pilersaarutaat 2007-imeersumut naapertuuttuunissaa, tassani anguniagaasut ima paasineqarsinnaallutik:

- Kingusinnerpaamik ukioq 2030-mi sapinngisamik sumi tamaani nukissaq minguitsoq.
- Nukissiuuteqarnermut systemi tamakkiisumik nutarsaaneq
- Sapinngisamik orsussat imerpalasut annikillisinneqarnissaat.
- Sunniutilimmik kissamik pilersuinermit eqqakkat nukissatut
- Illuinnarnit uuliatortunit kissarsuutilinnit inuit ataasiakkaat kissamik pilersorneqarnerat kiassaateqarfinit taarserlugit.
- Sanaartornermi aningaasartuutit atugassatut pingaartitanik anguniagaassapput.

Takussutissiaq ataaniittoq nukissiornermut aamma imermik pilersuinermit nuna tamakkerlugu pilersaarummit tigusaavoq, taassumalu erngup nukinga atorlugu nukissiuutit pioreersut annertussusaat aqqilu takutillugit:

Tabel 13. Grunddata for de fem eksisterende vandkraftværker

Navn	Forsynings-område	Idriftsat	Udvidelse	Kapacitet (MW)	Værdi i alt (mio. kr., 2017-priser)
Buksefjorden	Nuuk	1993	2008	45	1.730
Tasiilaq	Tasiilaq	2004	(2017-2021)	1,2	84
Qorlortorsuaq	Narsaq og Qaqortoq	2008	(2018-2020)	7,6	401
Sisimiut	Sisimiut	2010		15	598
Paakitsoq	Ilulissat	2013		22,5	670
I alt				91,3	3.483

Kilde: Nukissiorfiit

Nuna tamakkerlugu pilersaarummi tassani allassimavortaaq, erngup nukinga atorlugu nukissiuutit tullinnguuttut allilerneqarnissaanik imaluunniit erngup nukinga atorlugu nukissiuutit nutaanik suliaqartoqartoq:

- Takuuk siuliani eqitsit, Tasiilaq aamma Qorlortorsuaq allilerneqarnerat.
- Nuummi pisinnaasaata annertusarneqarnera, maanna pisinnaasaa tamakkingajallugu atorneqalernikummat.
- Maniitsumi erngup nukinga atorlugu nukissiuuteqarfik nutaaq, Nuummi alliliinikkut imaluunniit immikkorluinnaq.
- Aasianni, Qasigiannuani, Paamiuni aamma Nanortalimmi erngup nukinga atorlugu nukissiuutit nutaat.

Nuummi Namminersorlutik Oqartussat ataanni avatangiisinik ulloqartitsinermit Qeqqata Kommuniata saqqummiussaanut atatillugu nassuiarneqarpoq, ikuallaavimmik sumiiffimmi tullinnguuttunik naammassinnittumik aningaasaliisoqartariaqaraluartoq:

- Illoqarfimmi ukioq kaajallallugu sikuuneq ajortumi, tamatumani umiarsuit tikissinnaannginneri pissutigalugu eqqakkat katersuutiinnannginnissaanut annikillisaataasumik ukioq kaajallallugu eqqakkanik nassiussuisoqarsinnaalluni. Kujataani sikorsuaqartarnera Avannaanilu ukiumi sikusarnera ajortumik inissimatitsererput, piviusumik pisariaqartitaasumiit ikuallaavimmik annertunerusumik pisinnaassusilimmik pisariaqartitsillutik.
- Illoqarfik angisuujuvoq sulilu annertusiartorluni, aammalu kiassarnermut aqqutinik allilerneqarsinnaasunik annertuunik peqareerluni. Taamaaliornikkut qaninnerusooq ungasinnerusorlu isigalugu kissamik tunisaqartarneq peqqutigalugu, ingerlatsinermit aningaasartuutit sapinngisamik annikinnerussapput.
- Illoqarfimmi erngup nukinga atorlugu nukissiuuteqanngereersut, imaluunniit pisinnaasamik pigeriikkamik illoqarfimmi kissamik pilersuissamat naammattumik matussusiisnaanngitsut.

- Illoqarfimmi erngup nukinga atorlugu nukissiorfimmik nutaamik sanaartornissamik pilersaaruteqanngilaq imaluunniit erngup nukinga atorlugu nukissiorfimmik pioreersumik alliliinissamik pilersaaruteqanngilaq. Taamaaliornikkut qaninnerusooq ungasinnerusorlu isigalugu nunap orsussanik imerpalasunik pinngitsuuisinnaannginnera tamakkiisooq sapinngisamik annikillisinneqarsinnaavoq.
- Erngup nukinga atorlugu nukissiorfimmik annertoqataanik tunniussisinnaassuilimmik, ikuallaavimmik aningaasaliinissamik isumaqarnerusooq. Ilaatigut sanaartornermi aningaasartuutit annikinnerupput, aammalu nunap eqqakkanik ajornartorsuteqarneranik aaqqiissuteqarfigisinnaallugu.

Atuilluartuunissakkut kingunerisinnaasai

Nunatta uuliamik ikummatissamik pinngitsuuisinnaaneranut atatillugu, Qeqqata Kommunian Nukissiorfiillu ataatsimut soqutigisarivaat, uuliamik tikisitsisarnerup killilersimaartinneqarnissaa, aammalu nukissat avatangiisinut akornutaanatillu atuilluurtut, taakkununga ilanngullugit erngup nukinga atorlugu nukissiuutit, seqerngup nukinga atorlugu nukissiuutit aammalu nukissiornermut tunisassiornermut eqqakkat atorneqarnissaat. Kingullertut taaneqartoq soorlu Sisimiunusut ittuni, tamatumani erngup nukinga atorlugu illoqarfik tamakkerlugu kissamik pilersornissaanut naammagani.

Erngup nukinga atorlugu nukissiorfiit sanaartorneri akisoorujussuupput, ingerlatsinikkulli aningaasaqarneri, uuliamik tikisitsiornerup killilersimaartinnerani, nunap aningaasaqarneranut avatangiisinullu iluaqutaasorujussuupput. Taamaattorli illoqarfiit nunaqarfiillu amerlasuut avatangiisinut akornutaanngitsunut nukissiorfiit, soorluttaaq illut amerlasuut ilaatigut erngup nukinga atorlugu illoqarfimmi nukissiuutit iluini avataanilu inissisimasut kissarsuutinik aammalu uuliatortunik namminerisaminnik sulii pilersorneqartut aamma kissamik pilersuviit uuliatortunik pilersorneqartut, nunap avatangiisaanut aningaasaqarneranullu kusassaataanngitsumik. Taamaattumik illoqarfimmi kiassarnermut aqquutinut eqqakkanik kissamik kiassarnermut pilersuineranut avatangiisinut akornutaanngitsumut periarfissalimmik, ilaatigut Kalaallit Nunaanni illoqarfiit annersaanni, tamatumani kiassarnermut aqquutini uuliamik atuisuni aammalu kiassarnermut aqquutinut nutaanik sullitaqalernissamat periarfissalimmi pioreersumi annertunerusumik sullitassalimmi aningaasat annersaat atorneqarunik aningaasaqarnikkut isumaqarnerpaavoq.

Kalaallit Nunaata ikummatissamik imerpalasumik pisariaqartumik tikiorartitsinera ajortumik tunuliaquteqarpoq, soorlu inuiaqatigiinnut annertuumik aningaasartuuteqarnermik aammalu avatangiisinut annertuumik kinguneqartartumik, uulia tunisassiarineqarnermini nunarsuullu sinneranut tunineqartarnerasuulli, nunamut inuttakitsuararsuarmut ungasissumut assartorneqartaqariaqartaramittaaq, aammalu umiarsualivinnut ataasiakkaanut tunniunneqarluni, taavalu uuliamik suliaqarfinnut aamma atuisunut ataasiakkaanut illoqarfinnut nunaqarfinnullu tamanut umiarsuarnik uuliamik assartuutinik agguataarneqarluni. Taamaattumik uuliamik tikisiorartitamik annikilliliineq takunngitsoorneqarsinnaanngitsumik aningaasaqarnikkut avatangiisitigullu atuilluartuuneruvoq.

Uuliamut taarsiullugu eqqakkanik ikummateqarnikkut atuisut nukissamik, mingutsitsinermik peersinerup saniatigut ikummatissamik imerpalasunik avatangiisinik ajoqutaasunik tikisiorartitsineq atorunnaassavaa, kiisalu nunap avatanut nukissap annertoqataanik uuliamut tikiorartitsinissamat akiliisarunnaassallutik.

Eqqakkat kiassarnermut annertuumik aningaasaqarnikkut iluaqutaaginnaratik, ungasinnerusorlu isigalugu, illoqarfimmi nunaqarfimnilu eqqakkanik ikuallassinnaasunik iluaqutaanngitsumik mingutsitsineq, torersaasinnaanermullu aningaasaqarnikkut annertoorujussuarnik kinguneqaannartartut suujunnaarsissinnaavaat.

Naak ukiuni qulikkaani nunani killerni, tassunga ilanngullugu Danmark-imi teknologi nutaajunngikkaluartoq atorneqarnikuugaluartorlu, manna tikillugu Kalaallit Nunaanni ikuallaavinni aningaasaqarnikkut atuilluarneq ukkatarineqaranilu atorneqarnikuunngilaq. Danmarkimisuulli Kalaallit Nunaanni eqqakkat suussusaannik maskiinanillu tunioraasut taakkuassapput, taamaattumik oqartoqarsinnaavoq suliniut piviusorsiororujussuusooq. Nalunaarusiami ilaatigut ikuallaavinnut taakkununga tunngatillugu ingerlatsinikkut aningaasaqarnermut tunngasuni qallunaat misilittagaat, aammalu eqqakkat annertussusaat, aamma nassiussuineranut aningaasartuutit pillugit kalaallit misilittagaat aallaavigineqarput.

Aningaasaqarnikkut allaffissorinikkullu kingunerisinnaasai

Issittumi gasolie-mik aamma gasoliamik nalinginnaasumik, nunap nukissamik pilersorneqarneranut tunnganerusumi, Kalaallit Nunaanni naatsorsueqqissaartarfiup naatsorsuinerata takutippaa, ukiuni 2004-miit 2016 tikillug ukiumut 210.150.000 literi agguaqatigiissillugu tikisiorartinneqartartoq. Piffissap uuma ingerlanerani nunap immikkoortuini assigiinngitsuni erngup nukinga atorlugu nukissiuutinik sanaartortoqarnikummat oqaatigineqassaaq. Avatangiisinut akitsuut 10 øre ilanngunnagu atuisut maannakkut literimut akiliutigisartagaat 5,0 koruuniusoq, assigiinnarpaa ukiumut agguaqatigiissillugu tikisiorititsineranut atuisut 1 milliad koruuninik akiliisarnerat. Taakku annertunersaat uuliamuinnaq tikisiorititsineranut, assartuussinermullu aningaasartuutitut, tunisassiornermi aningaasartuutitut kiisalu Polaroil imerpalasumik tunisassiaasa sinnerinut ilaasumik suliaanut atatillugu allaffissornermi aningaasartuutitut atorneqartarput. Taamaattumik nunap tamarmiusup aningaasaqarnerata pitsanngorsarnissaq eqqarsaatigalugu, periarfissanik nassaarnikkut sapinngisamik tikisiorititsinerup annikillisarneqarnissaa, soorlu uuminnga ikuallaavimmi kissamik nukimmik tunisarsiorinikkut suliniutaasup peqataaffigisinnaasaani, aammalu sulii qaavatigut nunap eqqagassanik ajornartorsiuteqarneranik peersitisinnaasunut atuuppoq.

Nalunaarusiami ikuallaaviit assigiinngitsut marluk aappaa kommunip ikuallaavia 120 mio. koruunilik Qeqqata Kommuniata eqqagassaataanoortoq aappaalu Kommuneqarfik Sermersooq killilimmik peqatigalugu kommunit sinnerisa eqqagassaataannut kommunit ataatsimoorussaannik ikuallaavik 200 mio. koruunilik immikkoortinneqarput.

Pisuni marluusuni naatsorsuutaavoq, kommunit ataasiakkaat namminneerlutik nassiussuineranut aningaasartuutit aningaasalersussagaat, ukiumut katillugit 17 mio. koruuniusangatinneqartut, kommunit eqqakkanik nassiussuinermi systemimi peqquneqareersutaat, ikuallaavinnut ataasiakkaanut imaluunniit nalunaarusiami taaneqartumut kommunit ataatsimoorussamik ikuallaaviannut ilineqartussaasut. Taamaattorli ikuallaavimmit nutaamit tunineqarsinnaasut periarfissanik tamanik atuinikkut ukiumut 8 mio. koruunit sinneqartoorutitigut ilimagineqartumit, imaluunniit ikuallaaviup ingerlatsineranut aningaasaliissutitut sanaartorerup aningaasaliiffigineqassanngippata, 17 mio. koruuninik matussusiinikkut eqqakkanik nassiussuinermi aningaasartuutit annikillisinneqarsinnaassapput.

Illuatungaategulli Qeqqata Kommunianit eqqakkanik aamma uuliakumi ikuallaavik minnerusoq aammalu kommunit allat eqqagassaataannik killilimmik tiguisinnaasooq toqqarneqassappat, imaatigut assartuussinermut kommunip nammineq aningaasartuuteqareernerisa kingorna, aningaasaqarneq ilanngaattissat ilanngaatigeerlugit ingerlatsinerup aamma 4 mio, koruunit missaani sinneqartoornerup akornanni aningaasaqarneq inissisimassaaq, uuliakumik ikuallaanissamat avatangiisinut akuersissummik pissarsisoqarsinnaanera aamma eqqakkanik sinneruttunik pisinnaasat annikinnerusut naammassineqarsinnaanerat apeqqutaalluni. Sinneqartoorutaasinnaasut nalunaarusiami ilanngunneqanngitsut, eqqagassalerinermulli pilersaarummi taaneqartut, kommunip iluani eqqakkanik suliaqarnermut sinneruttunut atorneqarsinnaassapput. Ikuallaavimmik angisoorsuarmik sanaartornermi uuliakoq annikinnerusooq atorneqassaaq.

Kommunini tamani ikuallaavinnik minnerusunik ullutsinnut tulluurtunik ataasiakkaanik pilersitsisoqassaguni, Kommuneqarfik Sermersooq minillugu, kommunini tamani minnerpaamik 120 mio. koruuninik aningaasaliisoqassaaq, assigiinnarpaa kommunini sisamaasuni pisortat 480 mio. koruuninik aningaasaliinissamik pisariaqartitsinissaat. Sisimiut saniatigut ikuallaaviit ataasiakkaat allat, kiassarnermut aqqutinut tunisisinnaassanngillat imaluunniit annikitsuararsuarmik tunisisinnaassallutik. Tamanna tunngavigalugu, sanaartornermut aningaasaliissutit minnerusumik annerusumilluunniit aningaasartuutaaginnassallutik, kommunit akileraartartuutit pisarialimmik akilertariaqagaat. Taakku saniatigut sinerissami ikuallaaviit pioreersut assigalugit, aserfallatsaaliinermut missingersuuteqarnikuunngitsusunit nalorninangitsumik aserfallatsaaliinissamik pisariaqartitsineq qaffakkiartussaaq, ukiut 20 ingerlareernerminni atorneqarsinnaassusaat aningaasaqarnikkullu nalingat apparujussuarsinnaalluni.

Ataatsimut katillugu, Kommuneqarfik Sermersooq minillugu, kommunit ataatsimoorussaannik ikuallaaviup kommuninullu tamanut ikuallaaviit ukiut 20-it ingerlanneqareernerini 720 mio. koruunit missaanik assigiinngissuteqarput, naatsorsuutigisat tullinnguuttut malillugit:

- Nuna tamakkerlugu sanaartornermi aningaasaliissutaannarnut 180 mio. koruunit aningaasaliinissamik pisariaqartitsineq, nalunaarusiami taaneqartumi kommunit ikuallaaviini minnerusuni.
- Nalunaarusiaq malillugu, atuisunut akiliutissanut aammalu sinerissami ikuallaavinnut immikkut aserfallatsaaliinermut pisussaaffinnut ukiumut missingersuutini immikkut 2 mio. koruunit, aningaasannorlugit sinerissami immikkut ikuallaavinnut pingasuusunut ukiumut 6 mio. koruunit, imaluunniit ukiut 20-t ingerlanneranni 120 mio. koruunit.
- Ukiumut tunisinermi annerpaamik nikingassut 21 mio. koruunit, aningaasannorlugit tunisinissamut periarfissanik tamanik atuinikkut Sisimiuni tunisinikkut ukiumut isertitassat naatsorsuutigisanut aamma kiassarnermut aqputit kissamik pisariaqartitaat malillugit, sumiiffinnit allaniit Nukissiorfinniit kissamik kiassarnermut tunisanit isumaqatigiissuteqartoqarsimangippat.
- Piffissamut ukiunut 20-nut naatsorsoraanni, nuna tamakkerlugu ikuallaaviup ataasiinnaap aamma kommuninut tamanut ikuallaaviit ataasiakkaat assigiinngissutigissavaat, sanaatornermi aningaasartuutit aamma ingerlatsinermit aningaasartuutit 720 mio. koruunit missarluinnaat.
- Nalunaarusiami eqqaavissuarni akissarsianut aningaasartuutit ingerlatsinermullu aningaasartuutit sinneri taakkunungalu naatsorsuuteqarnerit ilanngunneqangillat, kommuninut allanut tunngatillugu sanilliussinissamut toqqammavissat tulluannigimmata aammalu ikuallaaveqaraluarpat peqanngikkaluarpalluunniit sulisut tassaniittussaammata.

Sanaartornissamut aningaasaliinissamut nalikillisaanissat, aserfallatsaaliinissamut pisussaaffiit, kiisalu atuisunut aningaasartuutit il.il. kommunit ataatsimoorussamik ikuallaaviannut aamma Sisimiuni kommunip pigisaanik ikuallaavimmut ingerlatsinikkut aningaasaqarnerit nalunaarusiakku misissorneqarput. Ikuallaavissatut anginerusumi nalornarsinnaasut annertunerupput, kiassarnermut aqputinut kissamik tunisisarnerup qaffassarnissaanut Nukissiorfiit maannakkut kiassarnermut aqputaataannik allanngortiterinissaq pisariaqassammat. Illuatungaatigut kommunini ikuallaavinni minnerusuni nalornissuteqarnissaq annikinnerussaaq, ingammik ikuallaavinnit kissamik ataatsimoortitsisinnaasumik, uuliakumik ikuallaassummik pioreersumit avatangiisinut akuersissutip annertusinissaa pissarsiarineqarpat.

2018-imi aprilip naalernerani Namminersorlutik Oqartussat avatangiisinik ulloqartitsinerannut atatillugu suliffeqarfiup Deloitte-mit aningaasaqarnikkut nalilersuilluni nalunaarusiaat Kommuneqarfik Sermersooq-mit saqqummiunneqarpoq. Naak taanna nalunaarusiaq Qeqqata Kommuniata nammineq nalunaarusiaanit allaanerusunik naatsorsuuteqaraluartoq inerniliussaq taannaavoq, tamatumani kommunit namminerisaminnit ikuallaaveqarneranniit kommunit ataatsimoorussaannik ikuallaaveqarneq akikinnerujussuavoq. Nalunaarusiat taakku marluk akornanni naatsorsuutigisani pingaarnertut assigiinngissutaasoq tassaavoq, Kommuneqarfik Sermersooq nalunaarusiaa ukiunut 30-t ingerlatsineq pineqarmat, illuatungaatigulli Qeqqata Kommuniata nalunaarusiaa ukiuni 20-ini ingerlatsineq pineqarluni, siullertullu taaneqartumi sulisoqarnermut aningaasartuutit ilanngunneqarsimallutik. Sanaartornermi aningaasartuutit eqqarsaatigalugit, Kommuneqarfik Sermersooq-mit Deloitte nalunaarusiaa sanaartornermit ingerlatsinermullu aningasartuutit tullinnguuttut atornerqarput:

**Teknikkeqarnermut, Aatsitassarsiornermut Avatangiisinullu ataatsimiititaliap maj-ip 08-ani 2018
ileqquusumik ataatsimiinnerani imaqarniliaq 03/2018**

Ikuallaavimmi annertussuseq	Sanaartornermut aningaasaliissutit	Kissamik tunisaqarani, ukiut 30 ingerlaneranni ingerlatsinermut aserfallatsaaliinermullu aningaasartuutit
Ikuallaavik 1 ton	130 mio. DKK	382 mio. DKK
Ikuallaavik 2 tons	180 mio. DKK	483 mio. DKK
Ikuallaavik 3 tons	240 mio. DKK	597 mio. DKK
Ikuallaavik 4 tons	300 mio. DKK	738 mio. DKK

PERIARFISSAQ	Ukiumut tamakkiisumik aningaasartuut	Oqaaseqaatit
Nuummi ikuallaavik ataaseq 4 tons	54 mio. DKK	Ullumikkut kissamik tunisaqarnermit akiliutinik Nuuk pissarsiaqarneq ajorpoq.
Nuummi Sisimiunilu ikuallaavik 2 tons (Qeqqata Kommuniata nalunaarusiaani inassuteqaataasumut sanilliullugu ikuallaavik minnerulaartoq)	60,3 mio. DKK	Ikuallaavimmut ataatsimut sanilliullugu ikuallaavinnut marlunnut aningaasaliinissaq akilersinnaanerussappat, ukiumut kissamik isertitani 6,3 mio. DKK-nik pisariaqartitsivoq.
Nuummi ikuallaavik 2 tons, kiisalu Sisimiuni Qaqortumilu ikuallaaviit 1 tons.	70,9 mio. DKK	Periarfissani siulianut sanilliullugu akisunerungaatsiarpoq.
Sisimiuni, Maniitsumi, Aasianni aamma Qaqortumi ikuallaaviit 1 tons	92,6 mio. DKK	Ikuallaavimmik kommunit ataatsimoorullu pigisaannut sanilliullugu marloriaatingajammik akisunerusoq.

Namminersorlutik Oqartussat avatangiisinik ulloqartitsineranni isumaqatigiissutaavoq, kommunit ataatsimoorussamik suleqatigiissitamik allaffeqarfinit inuttalinnik pilersitsissasut, ikuallaavimmik kommunit ataatsimoorussamik aningaasaliinissamik pitsaanerpaamik tikkuussisussamik, taamaalilluni kommunini ataasiakkaani politikerit sumiiffinni nunalu tamakkerlugu aalajangiinissamut tunngavissamik pitsaanerpaamik pissarsissallutik.

Manna tikillugu ilimanarnerpaavoq periarfissap aappaa Nuummi Sisimiunilu ikuallaaviit angeqqatigiit qulaani eqitsimmi silittumik allassimasut ilimanarnerupput. Tassami Sisimiuni kissamik annertungaatsiartumik tunisisoqarsinnaavoq. Nuummi eqqagassat tamakkiisut eqqarsaatigalugit, eqqakkanik nassiussuineq aningaasartuuteqangaatsiassaaq, tassani nunap eqqagassaataasa tamakkiisut affaat sinnerlugit pineqarmata. Nuuk ingerlalluurtumik ikuallaaveqareerpoq, innuttaasulli amerliartuinnarnerat pissutaalluni pisinnaasaa unammillernartumiippoq. Tamatuma saniatigut illoqarfiup ineriartortinneqarneranut ikuallaaviup inissisimaffia angoreepaa, inissisimanera ima pitsaanngitsigaaq, kommunip nutaamik sanaartornissamut soqutiginninneranut paasinartitsilluni.

Sanaartornissamut aningaasaliissutaasussanik pisariaqartunut aammalu illoqarfinni taakkunani anginerusuni erngup nukinga atorlugu nukissiuutinik nutaanik imaluunniit alliliinissamut, nukissiornermik imermillu pilersuineranut nuna tamakkerlugu pilersaarut qanoq imaqarneranut tunngatillugu kissamik tunisisinnaaneq, Kalaallit Nunaata sinnerani illoqarfinni killeqangaatsiarpoq.

Kalaallit Nunaanni Namminersorlutik Oqartussat affaanik aningaasaleeqataassappata, kommunip pigisaanik ikuallaavimmik nutaamik 120 mio. DKK-mik naleqarnissaanik naatsorsuutigineqartumut, Qeqqata Kommunია sanaartugassatut kissaateqarnikuvoq. Eqqagassalerinermi pilersaarutip pilersaarusionerqarnera missingersuutip iluani inissisimassaaq. Kommunit ataatsimoorussaannik ikuallaavimmik toqqaasoqassappat, aningaasat 200 mio. koruuninut allanngortinneqartariaqarput.

Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

Aqquutit maanna imminut atanngitsunik atassusiinikkut kiassarnermut aqquutinut tamanut tunisinissamik annertusaanissamik aamma kiassarnermik pilersuinissaq pillugu Nukissiorfinnik tunisaqartarnermut Qeqqata Kommuniata isumaqatigiissutaa, Kalaallit Nunaanni sumiiffinni allani taamak annertutigisumik pisinissamut periarfissaqanngitsuni, Sisimiut illoqarfiannik kiassarnermik pilersuineramik avatangiisinut akornutaanngitsumik nalissaqanngitsumik periarfissiissaaq, tamannalu Nukissiorfinnik suleqatigiinnissamik isumaqatigiissutikkut uppersarneqarnikuvoq.

Sanaartornissamut aningaasaliissutissat annertummata, Qeqqata Kommuniata kommunalbestyrelsia Kalaallit Nunaannilu kommunit sinneri kiisalu Kalaallit Nunaanni Namminersorlutik Oqartussat aningaasaliinissamik pisariaqartitat eqqartortariaqarpat. Taamaaliornikkut Qeqqata Kommuniani ikuallaavimmut tunngatillugu ingerlatsinermi aningaasaqarnermi imminut akilersinnaanermut tunngatillugu, nunami ikuallaavinnut assingusunut aamma attaveqatigiinnermut atortulersuutit sinnerinut sanaartornermut aningaasaliissutissat sanilliunneqarsinnaanngussapput.

Kommunit sinnerinut aammalu kiassarnermut aqquutinik pioreersunik annertusaanissamut aningaasaliinissamik Nukissiorfiit aningaasaleeqinnissaanik pinngitsuuisinnaanermik minnerulersitsisumik, illuatungaategulli eqqakkanik ajornartorsiutaasinnaasunik nammineq aaqqiissuteqarnissamik aammalu Qeqqata Kommunianik unammillernermi nukissanut avataanit aningaasaliisussanik nassaarfissarsiorarialimmik, Qeqqata Kommuniani kommunalbestyrelsip ikuallaavik minnerusoq toqqarsinnaavaa. Taanna nalunaarusiami taaneqartutut ingerlatsinermi aningaasaqarneq eqqarsaatigalugu Qeqqata Kommuniata annikinnerusumik aningaasaliissuteqartarnissaanik kinguneqassaaq.

Innersuussut

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut, kingusinnerusukkullu aningaasaqarnermut ataatsimiititaliamut kiisalu kommunalbestyrelsimut akuereqqullugu innersuussutigaa,

Paasissutissiissut 2019-imut missingersuutitigut kommunip suliaqarnissaanut attuumassuteqartoq tusaatissatut tiguneqassasoq.

Aalajangerneq:

Tusaatissatut tiguneqarpoq.

Ilanngussat:

1. Nalunaarusiaq – Sisimiuni kommunip pigisaanik imaluunniit kommunit ataatsimoorullugu pigisaanik ikuallaavik pillugu aningaasaliinissamut ingerlatsinikkullu aningaasaqarneq pillugu naliliineq.
2. Nalunaarusiamut ilanngussaq
3. Namminersorlutik Oqartussat avatangiisitigut ulloqartitsinerani Qeqqata Kommuniata saqqummiussaa
4. Namminersorlutik Oqartussat avatangiisitigut ulloqartitsinerani Kommuneqarfik Sermersuup saqqummiussaa

Imm.08 Sisimiut talittarfiani torersuutitsinissaq pillugu malittarisassanik kiisalu Sisimiut talittarfianik Qeqqata Kommuniata ingerlatsiinnarsinnaanerani Namminersorlutik Oqartussat akuersissuteqarnerat pillugu paasissutissiissut

Journalnr.

Tunuliaqutaq

Sisimiut talittarfiani torersuutitsinissaq pillugu malittarisassanik kiisalu Sisimiut talittarfianik ingerlatsiinnarnissaq pillugu Namminersorlutik Oqartussat akuersissuteqarnerat pillugu manna paasissutissiineruvoq, takuuk ilanngussaq 1.

Torersuutitsinissamik malittarisassat maanna akuersissutigineqartut, taamaalillunilu atuuttut ilanngussaq 2-mi takuneqarsinnaapput. Torersuutitsinissamik malittarisassat akuerineqarnissaannut qinnuteqaat, umiarsualivinnik ingerlatseqatigiiffik pisortatigoortumik pilersineqarnissaata, piginnittullu siulersuisussanik nutaanik toqqaanissaata tungaanut siulersuisuugallartunit, Sisimuni Umiarsualivimmi siunnersuisoqatigiinnit nassiunneqarpoq.

Sisimiuni umiarsualivinnik ingerlatseqatigiiffimmik pilersitsinissaq, ingerlatsinissarlu pillugit innersuussut, Teknikkimut Avatangiisinullu ataatsimiititaliap 2016-imi februaarip qulingiluaani akuersissutigaa. Malitsigisaanik kommunalbestyrelsip 2016-imi februaarip qaammataani akuersissutigaa – tassanngaanniillu talittarfimmi selskabimik pilersitsinissaq siunertaralugu umiarsualiviit, atortui ilanngullugit tigungissaat pillugu Namminersorlutik Oqartussanut saaffiginnittoqassasoq.

Pilersitsinissaq pillugu qinnuteqaat, 2016-imi marsimi kommunalbestyrelsip Namminersorlutik Oqartussanut nassiuppaa, takuuk ilanngussaq 3.

Maleruagassatigut tunngavissat

Immakkut angallatit angallatikullu umiarsualivinniittut peerneqartarnerat pillugu Inatsisartut inatsisaat nr. 43, 23. november 2017-imeersoq

Umiarsualiviit pillugit Inatsisartut inatsisaat nr. 9, 3. juni 2015-imeersoq

Pissutsit atuuttut

Umiarsualivinnik ingerlatseqatigiiffimmik pilersitsinissamik qinnuteqaat tunuliaqutaralugu Namminersorlutik Oqartussat nalunaarutigaat, takuuk TMU-p 2017-imi marsip 6-iani ataatsimiinnerani paasissutissiissut, umiarsualivinnik ingerlatseqatigiiffimmik pilersitsinissamik qinnuteqaat akuerissagunikkulu suliniutit tulliuuttu naammassineqaaqartariaqartut:

Tulliuuttu naammassineqarsimappata akuersissut tunniunneqartarpoq:

- Talittarfimmi selskabimit pigineqarusuttunut talittarfinnut, nunatanullu nunaminertamik atugassinneqarnissamik qinnuteqarsimanermit uppernarsaateqarpat.
- Kommunip talittarfiani, matumap ataani Sisimiut talittarfianik taagorneqartoq, pillugu Torersuutitsinissaq pillugu malittarisassat saqqummiunneqassapput.

Torersuutitsinissaq pillugu malittarisassat, Kommunip umiarsualiviani ingerlatanut allanut imaluunniit Namminersorlutik Oqartussat umiarsualiviutaannut atortuutaannullu atuunnatik, Sisimiut talittarfianuinnaq atuupput. Torersuutitsinissaq pillugu malittarisassanut nunap assinganik ilanngussaqarpoq, tassanilu torersuutitsinissaq pillugu malittarisassani suut pineqarnerisut takuneqarsinnaalluni.

Sisimiut talittarfiani (kommunip talittarfiutaani) Umiarsualivimmi siunnersuisoqatigiit siulersuisuugallarmata, takuuk 2016-imi februaarimi kommunalbestyrelsip ataatsimiinneranit imaqarniliaq, ilanngussaq 4, torersuutitsinissamik malittarisassat Umiarsualivimmi siunnersuisoqatigiinnit suliarineqarput. Torersuutitsinissamik malittarisassat atsiornikut, Namminersorlutik Oqartussanut akuerisassanngorlugit Umiarsualivimmi

siunnersuisoqatigiit nassiuppaat, torersuutitsinissamillu malittarisassat maanna akuersissutigineqarsimalerput, Sisimut Talittarfianillu ingerlatsisinnaanermut akuersissutitut atuullutik.

Ullumikkut pissutsit taamak itsillugit, talittarfik pisortat nunaminertaattut allatuulli ingerlanneqarpoq. Talittarfimmi, talittarfimmilu nunaminertani nalinginnaasumik malittarisassat naammangillat, talittarfimmi arlaqartunut suliffiuvoq, taamaattumillu immikkut malittarisassiornissaq pisariaqarluni. Talittarfimmi ataqatigiinnermut aqqissuussinerit atuisut suliaminnik ingerlatsisinnaanissaat taakku malittarisassat qulakkiissavaat.

Umiarsualivimmi selskabinngortussap Torersuutitsinissaq pillugu malittarisassaqaqarnermigut, "Tuniniaanermut pilersuinernullu piumasaqaatit" akuerineqariarpata, talittarfimmi ulluinnarni ingerlatsinerup torersuutinneqarnissaatalu qulakkeerneqarnissaanut tamakkiisumik pisinnaatitaaffeqassaaq, taamaalillunilu aamma suliami ineriartortissinnaanissaat qulakkiissallugu, ilutigalugulu atuisut pitsaanerpaamik sullinneqarnissaannik neqeroorfigisinnaassallugit.

Torersuutitsinissaq pillugu malittarisassat akuerineqaqqammersut kommunip talittarfianuinaq atuupput. Umiarsualivinnik ingerlatseqatigiiffimmik pilersitsinissaq pillugu Qeqqata Kommuniata qinnuteqaataa Namminersorlutik Oqartussat suliaralugu aallartippaat. Umiarsualivinnik ingerlatseqatigiiffik pilersinneqariarpat, umiarsualivinnik ingerlatseqatigiiffiup umiarsualivinnut ingerlataannut tamanut atuuttussanik nutaanik toersuutitsinissamik malittarisassiortoqarlunilu Tuniniaanermut pilersuinernullu piumasaqaatit nutaat suliarineqartariaqalissapput. Kommunip umiarsualivimmi ingerlatai allat kiisalu Namminersorlutik Oqartussat imarpikkoortaatitut talittarfiutaa angallatinullu talittarfiutaa ilanngullugit ilanngunnagilluunniit pineqarput.

Atuilluartuunissakkut kingunerisinnaasai

Talittarfik aqqissuulluagaq, talittarfimmik atuisut kikkut tamat eqqarsaatigalugit malittarisassaqaqarnermigut, Umiarsualivimmi selskabillu ingerlataminik ineriartortitsinissaanut pitsaanerpaamik sinaakkutissiisaaq.

Aningaasaqarnikkut allaffissornikkullu kingunerisinnaasai

Suliami matumani talittarfiit tamarmik, umiarsualivimmilu atortuutit tamarmik Umiarsualivimmi selskabip pigisaannut ataatsimoortumik Torersuutitsinissaq pillugu malittarisassat suliarineqarnissaat, qinnutigineqarnissaalu pineqarput.

Umiarsualivimmi selskabimik pilersitsinissami aamma "Tuniniaanermi ingerlatsinermilu" selskabip piumasaqaatissai aamma suliarineqassapput, taamaalilluni aningaasaqarnikkut atugassatitat pilersinneqarlutillu ineriartortinneqarsinnaaniassammata. Taamaalilluni kommunip talittarfiani innaallagissamut ikkuffiit pillugit sanaartornissamik suliuat akuerineqaqqammersoq, siunissamilu sullissinermi aningaasaliissutissat, inatsisinik unioqutitsinerunngsumik atorneqarsinnaanngorlugit, aningaasaliissutit utertinneqarsinnaanngorlugit, siunissamilu perisarfissat siunissami "Tuniniaanermut pilersuinernullu piumasaqaatit"-ni ilanngunneqassapput.

Torersuutitsinissamik malittarisassani pingaarnernut, kommunimut aningaasartuutaanngitsumik Royal Arctic Line-p ingerlakkumallugit nalunaarutiginiuuua. Manna tikillugu umiarsuit tikinnerini atorneqartartussat utaqqiisaasumik ungalussat Qeqqata Kommuniata akilernikuuai.

Qullersaqarfiup oqaaseqaatai

Immikkut oqaaseqaatitassaqaanngilaq.

Allaffeqarfiup naliliinera

Sionatigut oqartussat pigisimangisaannik Torersuutitinnissaq pillugu malittarisassat, talittarfimmi siunissamilu umiarsualivimmi selskabip ingerlanissaanut sakkusaassasut nalilerneqarpoq.

Pigilernerisigut, Umiarsualivimmi siunnersuisoqatigiit, maannalu Umiarsualivimmi selskabip pilersinneqarnerinut tunngaviusimasoq naapertorlugu talittarfimmi, eqqaanilu nunatani torersuutitsisoqarsinnaalissaaq.

Tuniniaanermut pilersuinernullu piumasaqaatiliornissami torersuutitsinissamik malittarisassat aamma sakkusaapput. Taakku marluk pinngitsoorneqarsinnaanngillat, aappami pigineqanngippat aappaa iluamik

ingerlasinnaangilaq. Torersuutitsinissamik malittarisassat malitsinniarneqarnerini, tuniniaanermut pilersuinernullu piumasaqaatit aningaasaqarnermut tunngavissiisapput.

Torersuutitsinissamik malittarisassat massakut atuuttut killilimmik iluaqutaapput, taamaallaallu Umiarsualivinni ingerlatseqatigiiffimmik pilersitsisoqarnissaanut Namminersorlutik Oqartussat suliassaminnik isummernissaannut sakkussaaginnarluni. Akuerineqariarpat Torersuutitsinissamik malittarisassat nutarterneqartariaqarput nutaamillu akueralugit, taamaalilluni Tuniniaanermut pilersuinernullu piumasaqaatit aamma akuerineqartussanngorlugit nassiunneqarsinnaaniassammata.

Innersuussut

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut akueriqqullugu innersuussutigaa,

Sisimiut umiarsualiviani torersuutitsinissaq pillugu malittarisassat tusaatissatut tiguneqassasut

Aalajangiineq:

Tusaatissatut tiguneqarpoq.

Ilanngussaq:

1. Ilanngussaq 1: Torersuutitsinissaq pillugu malittarisassanik kiisalu Sisimiut talittarfianik Qeqqata Kommuniata ingerlatsiinnarsinnaanerani akuersissut.
2. Qeqqata Kommuniata talittarfiani torersuutitsinissamik malittarisassat.
3. Sisimiuni umiarsualivinnik ingerlatseqatigiiffimmik pilersitsinissamik Qeqqata Kommuniata qinnuteqaataa.
4. Kommunalbestyrelsip 2016-imi februaarimi ataatsimiinneranit imaqarniliaq.

Imm. 09 Atuisunik aaqqissuussaannerusumik suleqateqarneq

Journal nr. XX.XX.XX

Tunuliaqutaq

Ataatsimiititaliami siulittaasoq Frederik Olsen TAAA-mut tullinnguuttutigut innersuussuteqarpoq:
"Kommunalbestyrelsimi ataatsimiititalianilu politikikkut sulianut anguniakkanullu annertunerusunut innuttaasunik susassaqtunillu peqataatitsineq avaqqunneqarsinnaagunanngilaq, taamaattumik teknikkimut ataatsimiititaliami innuttaasunut susassaqtunullu aaqqissuussasumik qinigaaffiup iluani tusarniaasarnissat kaammattuutiginiarpakka, soorlu makkunuunatigut:

Sulisitsisut (GE): Kommunip sanaartornera qanoq ingerlanneqarneruni innuttaasunut pitsaanerussava?

Aalisartut/imarsortut: Umiarsualiveqarneq

Innuttaasut: Illoqarfiit ineriartortinnissaannut takorluukkat kaammattuutillu.

Uani takoorloorsinnaavara soorlu ukiup affaata iluani ataasiarluni tamanut ammasumik qulequtaq ataaseq pillugu oqallitsitsisinnaanerit, soorunami eqqartugassat allaffeqarfik susassaqtullu peqatigalugit piareersarluarneqartassapput.

Innuttaasunik susassaqtunillu peqataatitsinerusunissamat siunnersuutiga tunngaviatigut akuerineqarnissaa qinnutigaa, taamaalilluni qaqinneqarsinnaasut misissorneqarsinnaanngorniassammata."

Maleruagassatigut tunngavissat

Sanaartornermi neqeroorteqartitsisarneq pillugu Inatsisartut inatsisaat nr. 11, 2. december 2009-meersoq.
Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq
Umiarsualiviit pillugit Inatsisartut inatsisaat nr. 9, 3. juni 2015-imeersoq

Pissutsit atuuttut

Kalaallit Nunaanni Inuussutissarsiornermut suleqateqarnermut atatillugu, sumiiffinni sulisitsisut peqatigiiffianik ukiumut tamaasa ataatsimiittoqartarpoq, tassani allaffeqarfik, borgmesteri GE-lu peqatigalugit, oqaluuserisassat sioqqutsilluni isumaqatigiissutigineqareertarlutik, oqallinnerit kiisalu sammisat ingerlanneqartut pillugit illuatungeriinnit paasissutissiisarnerit ingerlanneqartarlutik.

Sanaartoriaatsinut atatillugu, neqeroortitsinissamat inatsimmi sanaartoriaatsit aalajangersareerput, sanaartornermi akit aalajangersimasut periarfissat ersarissumik nassuiarneqarlutik. Neqeroortitsineri inatsit namminerminik killiliivoq, taannalu malinneqartussaalluni. Sanaartoriaatsit ilaatigut makkuupput, suliassat immikkoortiterlugit, suliassanik pingaarnernik suliaqarnerit, suliassanik angisuunik suliaqarnerit, suliassanik tamaginnik suliaqarnerit imaluunniit taakkunannga akuleriisitsinikkut. Kommuni suliariumannittussarsiornermini unammillersinnaanerup siuarsaanissaminik pisussaaitaavoq, taamatullu suliniutinut ataasiakkaanut aningaasaliissuteqarfiusuni, sanaartoriaatsinik naapertuuttunit sapinngisamik pitsaasumik isumannaatsumillu ingerlatsisoqarnissaanik pisussaaffeqarluni.

Tamatuma saniatigut Kommunalbestyrelsi ukiumut missingersuusiorderminut atatillugu, missingersuutit ukiunut agguataartarmagit, suliniutit piffissaq eqqorlugu naammassineqartarnissat anguniagaavoq. Suliassanut imaluunniit suliniutinut nassuiaatit amigaataasarnerat patsisaalluni, kingullertut eqqaaneqartoq ajornartorsiorfitsinnaasarpog, ilaatigullu politikikkut allaffissornikkullu utertitsiviginninnissamat allaffeqarfiup piffissamik atuinissaa eqqarsaatigineqarneq ajorluni, minnerunngitsumillu inatsisitigut kommunillu pilersaarusiordfigineqarneranut tunngatillugu kingusinnerusukkat ingerlanneqartartut, siunnersorneqarnikkut sullinneqarnerit, pilersaarusiorderit

24

kiisalu sanasunut suliariumannittussarsiuussinerit sanaartornermilu piffissaq eqqarsaatigalugu. Pissutsit tamakku suliniutinut ataasiakkaanut ukiunut missiliuteqarfiusunut, taamatullu ukiumut nuutsinermik kinguneqartarlutik, nuutsinneqarnissaannik akulikitsumik kinguneqarsinnaasarput.

Umiarsualiveqarnermut atatillugu, umiarsualiveqarnermut siunnersuisooqatigeeqarpoq atuisunit ingerlanneqartumik, Namminersorlutik oqartussat peqatigalugit imaluunniit peqatiginagit umiarsualiveqarnermut selskabimik pilersitsinissamut kommunip suliaqarneranut atatillugu, utaqqiisaasumik siulersuisutut aamma atuuttuusumik. Umiarsualiveqarnermut siunnersuisooqatigiit pingaarnertut anguniagassaat tassaavoq, pitsaanerpaamik sullissinissamik kiisalu umiarsuarnik, aalisariutinik, inuussutissarsiutigalugu angallateqartunut sullissinermi kiisalu kiffartuussinermut tunngasunik ingerlatsisunut pissutsit pitsaasuunissaanik pilersitsinissaq. Ilaatigut umiarsualiviup aningaasaqarnikkut tunngavilimmik ingerlannissaanut, umiatsiaararsortunit angallatiniillu anginerusunit orniginartuunissaanut aammalu kommunip aningaasaqarneranut iluaqutaasumik avataanit umiarsuarnik kiisalu aalisakkanik pissarsisinnaalissalluni. Umiarsualiveqarnermut siunnersuisooqatigiit suliaat pillugit atuisut isumaat pissarsiariniarlugit, allaffeqarfik umiarsualiveqarnermut siunnersuisooqatigiillu qanimut suleqatigiipput.

Innuttaasunit peqataatitsinermut kiisalu illoqarfimmik ineriartortitsinermut atatillugu, kommunip pilersaarusiortifigineqarani tapiliussanut tamanut tusarniaatitsinissaq inatsisitigut piumasaqaataavoq, tusarniaanerit kommunip innuttaasuinut, sumiiffimmi nunalu tamakkerlugu suliffeqarfinnut kiisalu pisortat oqartussaaffiit nassiunneqartarput. Maannakkut kommunimi pilersaarusiortnermi periusissat allaffeqarfimmit inaarsarneqaleruttarput, aningaasaqarnermut ataatsimiititaliamit kiisalu kommunalbestyrelsimit akuerisassanngorlugit, ataatsimiititaliat tamarmik imassaannik tunniussaqaarlutik. Kommunimi pilersaarusiortnermi periusissaq naammasseriarpit, anguniakkat atuutilersinnissaanut suliamut atatillugu, allaffeqarfimmit taanna malillugu sulisoqassaaq. Kommunimi pilersaarusiortnermi periusissami anguniakkat ataasiakkaat aallartisarneqarnerini, soorunami innuttaasunik annertunerusumik peqataatitsinissamut inissaqartitsisoqassaaq.

Maannakkutaaq kommuninik oqartussanillu allanik suleqateqarnissaq annertuumik sammineqarpoq, ilaatigut kommunimut nunatsinnullu iluaqutaasinnaasumik ikuallaavimmik pilersitsinissamut suliamik ingerlatsisoqarluni.

Tamatuma saniatigut pingaarnertut DTU-mik annertuumik suleqateqarneq ingerlanneqarpoq, ilisimatusarnermut aaqjissuusaannut peqataasoqarluni, ilisimatuunit, isummanik tunioraavimmit aammalu namminersortut pisortallu inuutissarsiorfiinit tunniussaqaartoqarlunilu isumassarsiortoqarluni.

Atuilluartuunissakkut kingunerisinnaasai

Kommunip suliamik ingerlatsinera, pilersaarusiortnera, minnerpaamik inatsisinik naammassinnillutik, ineriartornikkullu namminersortut pisortallu sanaartornerinut inuussutissarsiornikkullu ineriartornerinut pitsaanerpaamik siuarsaanissamik pilersitsilluni.

Innuttaasunik, soqutigisaqaqatigiinnik oqartussanillu peqataatitsinermi, suliniuteqarfinnik politikikkut pingaarnersiuisoqarsinnaavoq, tamakkuuppullu allaffeqarfimmit suliniuteqarfigineqarsinnaasut, taamatullu politikikkut anguniagassanik piaartumik angusinissamut nukinnik atuiffiusinnaasut.

Atuilluartumik oqartussaanermit atuinnissamut kissaataasoq ilaatigut tassaavoq, pilersaarusiortneq ineriartornermit sapinngisamik siuarsimanerusoq, taamaalilluni suliniutinut ingerlateqqinnissaanut periarfissaqannginnerminni, kommunip pilersaarusiortifigineqarneranik, matumani tusarniaanerit, politikikkut allaffissornikkullu sulianik ingerlatitsineq ilanngullugu, nalimmassaanissamut namminersortut pisortatigullu ingerlatsisut minnerpaamik piffissamik nukinnillu atuisumik ingerlatitsinissaallutik.

Aningaasaqarnikkut allaffissornikkullu kingunerisinnaasai

"Pissutsit atuuttut"-ni allassimasutut, pitsaanerpaamik illoqarfimmik pilersaarusiortnermut atatillugu aningaasaqarnikkut periarfissaqarluarpoq, taamatullu kommunip sanaartornissamut suliniutaanik pilersaarusiortnermut missingersuusiortnermullu atatillugu, politikikkut allaffissornikkullu eqaannerusumik sunniivigeqatigiittoqassalluni.

Tamat isigalugu suliniut ukiumi naatsorsuusiorfiusumit ukiumut naatsorsuusiorfiusumut annertuumik nuutsisarnernik annikillisaataassaaq, piviusorsiornerusumik naatsorsuutigisanut kiisalu illuatungeriit annertunerusumik sunniivigeqatigiinnerinut kinguneqartumik.

Allaffeqarfiup naliliinera

Ineriartornermik kiisalu innuttaasunik soqutigisaqatigiinnillu peqataatitsinerup annertunerusumik sammineqarnissaanik kissaateqarneq, kommunimi sanaartornernut kisimi iluaqutaanani aammali sanatitsisunut allanut kiisalu inuussutissarsiornerup ineriartornerinut iluaqutaassalluni.

Maannakkut ingerlatat, allaffeqarfimmit avataanik ingerlatsisunik suleqataaffioreersut, attatiinnerneqarnissaat ineriartortittuarnissaallu pisariaqarpoq, siunnersuuteqartummi oqariartuutaanut naapertuulluinnarmata.

Innersuussut

Soqutigisaqatigiinnik innuttaasunillu annertunerusumik akuutitsinissaq pillugu anguniakkamut kaammattuutitut akuerisassatullu suliaq Teknikkeqarnermut, Aatsitassarsiornermut Avatangiisinullu ataatsimiititaliamut saqqummiunneqarpoq.

Aalajangiineq

Akuersissutigineqarpoq.

Ilanngussaq

Soqanngilaq.

Imm.10 Emilie Olsen-ip apeqquteqaataa malillugu Sisimiuni aqquserngit, angallannermilu isumannaatsuutitsinissamik ukkataqarneq pillugu paasissutissiissut

Journal nr. 06.01.03

Tunuliaqutaq

TAAA-mi kingullertigut aammalu KB ataatsimiinnerini ataasiakkaani ataatsimiititaliani ilaasortat arlallit, ataatsimiititaliat ataatsimiinnerini immikkoortuni "tamalaat"-ni saqqummertartut killiffii pillugit apeqquteqarnikuupput. Uani paasissutissiissummi apeqqutigineqarsimasunut tullinnguuttunut killiffiit akineqassapput:

1. Ataatsimiititaliami ilaasortaq Emilie Olsen angallannermi isumannaallisaaneq pillugu apeqquteqarnikuuvoq.
2. Qimmilivimmi angallannermi pissutsit isornartut pillugit aammalu nunaminertani sanaartorfigissarneqartunit qimminik nuutsinissaq pillugu kommuni qanoq iliuseqarniarnersoq pillugu Emilie Olsen apeqquteqarnikuuvoq.
3. Sissami ukiumi sikumut majuartarfiit killiffik pillugu ataatsimiititaliami ilasortaq Frederik Olsen apeqquteqaateqarnikuuvoq.
4. Angunnguaq A/S kilisaataataa qorsuk Amutsiviup talittarfiani soq talinnganersoq pillugu KB ataatsimiinnerani ataatsimiititaliami ilaasortaq Malene Ingeman apeqquteqarnikuuvoq.

Maleruagassatigut tunngavissat

Aqqusinernik pilersitsinissamut ingerlatsinissamullu Qeqqata Kommunია akisussaavoq.

Angallannermi unioqutitsinernik nakkutilliinissamik Politiit akisussaapput.

Kommunip talittarfiutaa kommunillu illuutai minillugit, umiarsualivinnik, umiarsualiviup timaatungaani nunaminertanik, angallatinut talittarfinnik il.il. Kalaallit Nunaanni Namminersorlutik Oqartussat nakkutilliisussaapput ingerlatsisussaallutillu.

Pissutsit atuuttut

1-imut: Emilie Olsen siunnersuutigeqqaagaani, immikkoortoq kingullermik 2018-imi februaarip arfernani TAAA ataatsimiinnerani eqqartorneqarpoq, tassani allaffeqarfiup ilaatigut 2018-imut missingersuutiniq suliaqarnermut atatillugu angallannermi isumannaallisaaneq aamma aqqusinernik tulluarsaanissaq pillugu allaffeqarfiup innersuussutigisaa politikkikkut akuerineqanngitsoq innersuussutigineqarluni. Allaffeqarfiup ilaatigut tunngavilersuutigalugu, tassunga aqqusinernut sanaartornernut periutsit, aqqusinernik pioreersunik angallannermi isumannaallisaaneq tulluarsaanerlu pillugit siunnersortiniq atuilluni suliniutaasoq, tassunga kommunip aningaasaliinissanut ilisimasalinnut aqputissaasoq.

Allakkeriviup akiatungaani illunik nutaanik, eqqartuussivimmik aamma innarluutilinnut centerimik allaffeqarfiup oqaloqatiginnereernerata kingorna, maannakut pisuinnarnut ikaarfissiat misissorneqarput. Angallannermut isumannaallisaanermut atatillugu innarluutillit immikkut ukkatarineqarnissamik pisariaqartitsipput. Tullinnguuppoq illoqarfiup qiterpasissuani Pisiffiup aamma Brugseneeqqap akornanni biilit unittarfiisigut pisuinnarnut ikaarfissiaqalersinnaaneq pillugu allaffeqarfik oqaloqatiginninnissamik pilersaaruteqarpoq.

Taakku angallannermi tarrarsuutiniq kissaataasutigut ima annertutigisumik aningaasaqalissasoq, sanaartornermi aningaasaliissuteqarnissaq pisariaqassalluni. Piffissami matumani missiliuutiniq aamma ingerlatsinikkut missingersuutit pillugit suliaqartoqarpoq, aningaaliinissat annertussusaata nammassinnaassaneraat paasiniarlugu. Nunamik suliaqarnissaq peqqutaalluni, suliniutit aasaanerani aatsaat suliarineqarsinnaapput.

2-mut: Allaffeqarfik ataatsimiititaliami siulittaasoq borgmesterilu peqatigalugit peqatigiiffik qimussimik ataatsimeeqateqarnissamik pilersaaruteqarpoq.

3-ut: Siunnersuut pitsaasumik tiguneqarluni umiarsualiveqarnermut siunnersuisooqatigiinnik oqaloqatiginnittoqarpoq. Takuuk ilanngussaq 1-imi umiarsualiveqarnermut siunnersuisooqatigiit ataatsimiinnerannit imaqarniliaq, umiarsualiveqarnermut siunnersuisooqatigiit siunnersuummik suliaqarneq nangissavaat. Taamanikkornissamut umiarsualivimmuut selskabi pilersinneqarsimassanngippat, taamaalillunilu nammineerluni suliniummumut aningaasaliisinaanani, piginnittunut aningaasaliinissamut siunnersuuteqartoqassasooq naatsorsuutigineqarsinnaavoq. Umiarsualiveqarnermut siunnersuisooqatigiit kommunimut aammalu Namminersorlutik Oqartussanut piginnittutut, aningaasaliinissamut arlalinnik siunnersuuteqarnikuupput aammalu ingerlaavartumik taakkuninnga ingerlatsisarlutik.

4-mut: Takuuk ilanngussaq 1, Umiarsualiveqarnermut siunnersuisooqatigiit kingullermik ataatsimiinneranni sammisaaq eqqartorneqarpoq. Ilanngussami ilaatigut paasissutissiissutigineqarpoq, umiarsuaq sikumi sikkussaaqqanermi saniatigut motooriiarnikuusimasooq maanna suliarineqartumik, taamaalilluni amutsiveqarfimmiit umiarsuaq peerneqarsinnaaniassammat.

Atuilluartuunissakkut kingunerisinnaasai:

Aqqusinernik pioreersunik ingerlatsinerup, aqqusinernillu nutaanik pilersitsinerup ataani angallannikkut isumannaatsuunissaaq pillugu apeqqummut tulleriissaakkamik ilisimasalitullu tunngavilersuinissaaq pingaarutilerujussuuvoq. Minnerunngitsumillu aqqusinernik nutaanik pilersaarusiormi kiisalu aqqusinernik pioreersunik ukiumoortumik aqquserngit isumannaannerulersinnaanissaannut ikaarsaarnissami pilersaarusiorneq pillugu periutsinut ilanngullugu aqqusinerni isumannaannerunissaaq ukkatarineqartariaqaraluarpoq. Taamaaliornikkut aqqiigallarneriinnaat pinnagit, kisianni aamma sumiiffiit navianarsinnaasut tamaasa ataatsimut ukkatarineqarnerisigut pinngitsoortinneqarsinnaapput, taamaalillunilu tamakku pitsaasumik aqqinneqartalerlutik.

Aningaasaqarnikkut allaffissornikkullu kingunerisinnaasai

Paasissutissiissummi uani immikkoortut ilaat aningaasaqarnikkut nalilersorneqarnerat suli naammassinngitsut utaqqimaarneqarput.

Kommunalbestyrelsip missingersuutitut tunngatillugu sanaartornissamut ingerlatsinermilu suliniutinik akuerisaanik pingaarnersuunissaaq piviusunngortitsinissarlutik allaffeqarfiup suliaarivaa.

Allaffeqarfiuttaaq suliaarivaa, suliniutip annertussusaata, missingersuutitut annertussusaata imaluunniit piffissamut imaluunniit inatsisinut tunngatillugu nalimmassarneqarnissaat pisariaqarpat, ilisimasalinnit nalilersorneqarnissaanut tunngatillugu tamakku tikkuartorneqarnissaat.

Politikkikkut suliniutitut missingersuutinik imaqartut kissaatit pillugit, taakku kommunalbestyrelsip ukiumoortumik missingersuutinik suliaqarnerani qaqqinneqartariaqarput. Kommunalbestyrelsip missingersuutinik suliarinninnerannit suliniutit akuerisaasut saniatigut suliniutinut allanut, missingersuutitut immikkut aningaasaliissuteqartoqarnissaanut qinnuteqarsinnaanissaaq, ataatsimiititaliamit periarfissaavoq. Taamaattorli tamakku ataatsimiititaliamit, aningaasaqarnermut ataatsimiititaliamit kiisalu kommunalbestyrelsimut suliarineqaqqaassapput. Kommunalbestyrelsip missingersuutinik suliaqarneranut atatillugu siunnersuut suliarineqarsimappat, siunnersuut aallaqqaammumut atugassiaasimanninnerannik ilimagineqarsinnaasumik, ersarinnerusumik nassuiaammik imaqartariaqassaaq.

Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

Siunnersuummik nassuiaanerunermik imalimmik, ataatsimiititaliami ilaasortat siunnersuutitik allaganngorlugit tunniuttarunikkit, allaffeqarfimmut ataatsimiititaliamullu piffissaq sivikinnerullunilu pitsaanagerusumik suliamik aaqqiissuteqartoqassaaq, taamaalilluni allaffeqarfimmi sulisut ataasiakkaat siunnersuutit malillugit sullissisinnaallutik.

Innersuussut

Allaffeqarfiup TAAA-mut innersuussutigivaa, allaffeqarfiup paasissutissiissutaa tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussaq

1. Umiarsualiveqarnermut siunnersuisooqatigiit ataatsimiinnerannit imaqarniliaq.

Imm. 11 Ungusivimmi nutaamik sanaartorfigissaaneq.

Journalnr. 17.02.

Tunuliaqutaq

Kommunip pilersaaruserfigineqarnerani tapiliussap nr. 35 akuersissutigineqarneratigit ilaqutariinnut ataatsinut ilaqutariinnullu arlalinnut inissianik assigiinngiaartunik katillugit 136-nik amerlassusilinnik inissalimmik, Ungusivimmi najugaqarfissamik nutaamik immikkoortitsisoqarpoq.

Sanaartortoqartinnagu nunaminertaq sanaartorfigissarneqartussaavoq, taamaalillunilu sanaartorfigissaanissamut missiliummik C-mik ilalimmik suliniummut siunnersuusiortoqarnikuvoq.

Maleruagassatigit tunngavissat

Sanaartorfigissaanermut nanertuutitut suliaassallu agguataarneqarnerannut nutaatut isumaqatigiissut 1998-imi januaarip aallaqaataaneersoq

Pissutsit atuuttut

Inissianut inuussutissarsiorfinnullu nutaanut sanaartorfigissaanermi sanaartorfigissaaneq pillugu isumaqatigiissut naapertorlugu, aqqusinernut kuuffissuarnullu tamanut atugassianut kommunip aningaasartuutit akilertussaavai. Innaallagissamut, imermut kiassaateqarfinnullu aningaasartuutitut Nukissiorfiit akiliisarput, taavalu tele atortulersuutaanut aningaasartuutitut Tele akiliisarluni.

Sanaartorfigissaaneq immikkoortunut pingasunut agguataagaavoq, missiliuullu C tullinnguuttutigit isikkoqarpoq:

Immikkoorto q	Missiliuut 1.000 kr.	Kommune 1.000 kr.	Nukiss. 1.000 kr.	Ilaqut.ataat		Inissiat katillugit	Inissiamut ataatsimut aki Katillugit	Inissiamut ataatsimut aki Kom. akiliutaa
				s. Amerlassus ii	Ilaqut.arlal. Amerlassus ii			
1	10.485	5.918	4.567	3	32	35	300	169
2	6.662	3.725	2.937	0	40	40	167	93
3	12.010	6.521	5.489	5	56	61	197	107
Katillugit	29.157	16.164	12.993	8	128	136	214	119

Sanaartorfigissaaneq pillugu allaffeqarfik Nukissiorfinnik ataatsimeeqateqarnikuvoq, suliniutitullu siunnersuut Nukissiorfinnit iluarisimaarineqarpoq, ajornartorsiutigaalli sanaartorfigissaanermik Nukissiorfiit akileeqataassutissaanut ukiut tamaasa aningaasaqarnermut inatsimmi ilanngunneqartarnikuugaluartut, 2018-imi Aningaasaqarnermut inatsimmi immikkoortinneqarnikuunnginnerat. Taamaattumik aningaasaliinissamut akileeqataasinnaanertik pillugu Nukissiorfiit piffissami matumani neriorsuuteqarsinnaangillat.

Sanaartorfigissaanermut Nukissiorfiit akileeqataassutissaannut aningaasanik immikkoortitseqqittoqarnissaanik, ajornangippat 2018-imiit, kommunip Naalakkersuisut nukingisaarfigissagaat pisariaqarpoq, kingusinnerpaamilli 2019-imut aningaasaqarnermut inatsimmut atatillugu. Sanaartorfigissaanermut aningaasanik immikkoortitsisoqanngippat, Kalaallit Nunanni sanaartorneq unittuussaq.

Atuilluartuunissakkut kingunerisinnaasai

Aningaasaqarnikkut allaffissornikkullu kingunerisinnaasai

Suliniutitut siunnersuut immikkoortunut pingasunut agguataagaavoq, aningaasalli pisariaqartut pissarsiarineqarsinnaappata, immikkoortut 1 aamma 2 ataatsimut suliarineqarsinnaaguni pitsaasuusaaq aammalu akikinnerulaarnissaa ilimanarsinnaalluni. Taamaalilluni immikkoortoq 3 ukiualunni utaqqisinnaavoq.

Qullersaqarfiup oqaaseqaatai

Oqaaseqaatissaqanngilaq.

Allaffeqarfiup naliliinera

Suliniutitut siunnersuut Nukissiorfiit akuersissutiginiuuat, maannakkuugallartorli akileeqataassutissaminnut missingersuuteqaratik. Taamaattumik sanaartorfigissaanermut Naalakkersuisut nutaat aningaasaliinissaannik nukingisaarfigineqartariaqarput.

Utaqqiisaa immikkoortunut 1-imut 2-mullu pingaarnertut suliniummik suliamik aallartitsinissaq tulluurtuussaaq, taamaalilluni aningaasaliinissaq inissinniariarpat, sanaartorfigissaaneq piaartumik suliariumannittussarsiuunneqarsinnaalissalluni. Pingaarnertut suliniut missiliummik C-mik pigeriikkamit eqqornerusumik aamma missiliummik B-mik peqassaaq.

Innersuussut

Teknikkimut Avatangiisinullu ataatsimiititaliamut innersuussutigineqarpoq, immikkoortunut 1-imut 2-mullu pingaarnertut suliniummik suliaqarnissaaq aallartinneqassaaq.

Aalajangiineq

Akuersissutigineqarpoq.

Ilanngussaq

1. Nunap assinga takussutissaaq
2. Aqqusinermut, imermut, kuuffissuarmut kiassaateqarfimmullu suliniutitut siunnersuut

Imm.12 Tamalaat.

Hans Ulrik Skifte

Ilisimatitsissutitut nalunaarutigivaa imeq mingunnikumut pilersaarussiaq suliaq ingerlasoq.

Ataatsimiinneq naavoq nal. 10.11